



बड'सायादि जिउजो लोखा थावाय रायथाय, ब्रन्थाय, बल', बल'बाथा आरु देवबायादि थावनि, पार्क बाइदिनि सायाय लिन्नाय लिन्निबां देथाय हर/ बड'सायादि 'बड'सा' खीरालाइया खेब्रानाबे फोसावगोन/

बड'सायाय लिन्नाय दिव्वा ब्रालाम, 'बड'सा' खी नोथां, जो बयबो आंगो ब्रालाम/

सानसेयारि बड'सा मावखुनि
माइबं नोगोर, जोहोलाव देमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Tuesday ★ 14 November, 2024 Kokrajhar, BTC, Assam ★ Vol.-34, Issue No.227 R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-

कलगासियानिफ्राय सा 10 गथ'सा मावफारिया बोखांदों

बरपेटा, 13 नभेम्बर: सरकार गथ'सा मावफारियाखौ बन्द खालामनो थाखाय गोखौ आइन दादोब्लाबो माखासे दिथागिरि आरो फालांगिरिफोर खबु लानाने दानबान्था होया लासेनो एवा बाइइ हाजिरा होनाने गथ'सा मावफारियाफोरखौ बायदि खामानियाव थिसनबोदों जाउनाव गथ'साफोय सोलोथाइ लानायनिफ्राय जानगराव थानो गोनां जादों आरो लासेयै इयुन जोलैया खोमसि लामाजों (□ 6 बिलाइआव)

चिदलीयाव उफ्रा बिसायख थिया गोजोनै खुंफुंजाबाय गासै मोन 5 बिधानसभा बियाबाव भट सोनायनि हारा 72.83%

कक्राझार, 13 नभेम्बर: आसामनि मोनबा बिधान सभानि उफ्रा बिसायख थियाव बयनिखुइबो बांसिन भटार थानाय आरो बयनिखुइ बाइइसिन बिजाथि गसनाय बिधान सभा बियाबावो जादों 31 नं चिदली बिधान सभा बियाब। चिदली बिधान सभा बियाबनि उफ्रा। बिसायख थियाव बे खेबाव



गासै साथामल' बिजाथिफोर बिसायख थि गेलेदों। खुंथायारि एनडिए जुथाय हान्जानि बिजाथि निर्मल कुमार ब्रह्म, बिपिएफ दोलोन शूद्र बसुमतारि आरो माहारियारि कंग्रेसनि बिजाथि सन्जब वारी मोना बे खेबनि उफ्रा बिसायख थियाव बाहागो लादों। दिनै 31 नं चिदली बिधान सभा बियाबनि उफ्रा (□ 6 बिलाइआव)

होखारस्त्रानायनि सोमोन्दै गोजौसिन बिजिरसालिनि गोनांथार रायदान

गुवाहाटी, 13 नभेम्बर: आयेन बेरेखायै दखल खालामग्राफोरनि थाखाय गुबुन मोनसे गिनो गोनां जाहोनानो जादों बुलड'जार। पुलिस आरो खुंथायाबो आयेन बेरेखायै दखल खालामग्राफोरखौ होखारस्त्रानो थाखाय बाहायनाय गाहाइ हाथियारानो जादों बुलड'जार। अदेबानि बे बुलड'जार बाहायनायनि सोमोन्दै गोजौसिन बिजिरसालिया मोनसे गोनांथार रायदान होदों। आर्टिकल 142 नि सिडव खुंथायनो फोरमायथि होदों गोजौसिन बिजिरसालिया। आयेन बेरेखायै दखल खालामग्राफोरखौ होखारस्त्रानायनि सिगां नख'र बिगोमानो खुंथाया 15 साननि सम सिमाना होनांगोन। लोगोसे होखारस्त्रानायनि सिगां आयेन बेरेखा दखल खालामग्राफोरनो जाहोनि दिन्थिनो फोरमायथि होनांगोन। बे फोरमायथिनिफ्राय आयेन बेरेखा दखल खालामग्राफोय गावनि फिनजाथाय (□ 6 बिलाइआव)

आसामनि राइज्यो बेंगिरिआ आइपिएसनि गोदान सोलोसाफोरजों सावरायलायदों



गुवाहाटी, 13 नभेम्बर: आसामनि राइज्यो बेंगिरि लक्ष्मण प्रसाद आचार्यआ दिनै राज भवनआव 76थि आरआर (2024 बैच) आसाम-मेघालय केडारनि सा (□ 6 बिलाइआव)

तामुलपुर जिल्ला खुंथाया लामा रैखाथिनि सायाव सांग्रांथियारि हाबाफारि खुंदों

तामुलपुर, 13 नभेम्बर: तामुलपुर जिल्ला सदरनि मथडसकआव दिनै तामुलपुर जिल्ला खुंथायनि बान्जायनायाव लामा रैखाथिनि सायाव सांग्रांथियारि हाबाफारि खुंनय (□ 6 बिलाइआव)

बिटिआरनि दर 4 जिल्लायवाव टेरिट'रियेल आर्मिआव साख्रि थिसन्थायनि थाखाय आगु फोरोंथाय आन्जाद खुंनो साखा-फारा फोरोंथाय बादायाव बाहागो लानो लाइमोनफोरखौ खावलायदों मावफुं सोद्रोमा दावबायसा बर'आ

कक्राझार, 13 नभेम्बर: टेरिट'रियेल आर्मि एवा डिपेन्स लाइनआव साख्रि मावनो गोसो गुदुं लाइमोनफोरनि थाखाय बिटिआर सरकारआ मोनसे मोजां खाबु लानाने फैदों। बिटिआर सरकारनि गेलेमु आरो लाइमोन अन्साय बिफाननि बान्जायनायाव बिटिआरनि दर 5 जिल्लाफोर फारियै- कक्राझार, चिरां, बाक्स, तामुलपुर आरो उदालगुरि जिल्लायवाव टेरिट'रियेल आर्मिआव साख्रि



थिसन्थायनि थाखाय आगु फोरोंथाय आन्जाद एवा प्रि रिक्विटमेन्ट ट्रेनि (देहायारि आरो फाहामथाय आन्जाद) खुंनो थाखाय थारि लानाय जादों। बिटिआरनि गेलेमु आरो लाइमोन अन्साय बिफाननि मावफुं सोद्रोमा दावबायसा बर'आ दिनै मोनसे खीरंगिरि मेल खुंनयनि गेजेरजों बे फोरोंथाय बादानि सोमोन्दै गुवारै फोरमायना हादों। मावफुं सोद्रोमाया फोरमायनाय बायदिब्ला, फेगौ 22 (□ 6 बिलाइआव)

सालबारियाव जगायथाय मन्थि रन्जित कुमार दासनि मुसुखा सावनानै फरायसा आफादआ बेसेन बांनयनि हेंथायै सोमावसारदों

भबानिपुर, 13 नभेम्बर: सालबारिनि साखाथि साउदरभितायाव दिनै गाति आन्सलिक फरायसा आफाद आरो सालबारि मिरु फरायसा आफादनि बान्जायनायाव फरायसा आफादनि माखासे अन्जिमानि दैदेनगिरि-मावफारियाफोर गासैबो रोखोमनि गोनांथार बाहायजाग्रा मुवा-



बेसादिनि बेसेन बांनयखौ लानाने गोखौ सोमावसारनानै बेसेन बांनयखौ होबथानायनि दाबि खालामना सोमावसारनानै दुंहाव खालामदों। मख'नो गोनांदि, साननि 11:00 रिगांनिफ्राय साउदरभिता चकआव भबानिपुर-मानास माहारियारि (□ 6 बिलाइआव)

आसाम बार्ताजिबि संघआ 51थि गायसन्थाय सान

फालिनो साखा-फारा तामुलपुर, 13 नभेम्बर: आसामनि आफादफोरनि गेजेराव मोनसे, आसाम बार्ताजिबि संघआ थानाय 18 नभेम्बर, 1974 माइथायाव गाइसन जादोंमोन। आसाम आरो सा-सान्जा ओन्सोलारि आफादनि 51थि गायसन्थाय सानखौ फेगौ 18 नभेम्बरखालि तामुलपुर जिल्ला आफाद बार्ताजिबि संघनि दैदेनयाव गरेस्वर एनआरदि (□ 6 बिलाइआव)

कंग्रेस दैदेनगिरि उत्पल गगैखौ हमदों जिनजिया पुलिस थानायाव दुंहाव थासारि सोमजिदों

बिहाली, 13 नभेम्बर: राइज्योनि दर 5 बिधान सभा बियाबाव खुंजानाय उफ्रा बिसायख थिनि भट थुनाय हाबाफारिया सोलिबाय थानाय समावनो बिहालीनि जिनजिया पुलिस थाना ओन्सोलाव बिश्वनाथ जिल्ला पुलिस-खुंथाया बिसायख थि नेम-खान्थिखौ सिमफायनायनि अजदआव दिनै साननि 12:00 रिगासोआव चरइदेव जिल्ला कंग्रेसनि आफादगिरि उत्पल



गगैखौ हमदों। बिहाली कंग्रेस दैदेनगिरि-मावफारियाआ

फोसावनाय फोरमान बादियै (□ 6 बिलाइआव) तामुलपुराव कलिता आलपाइन जनगछिनि बान्जायनायाव लामा हान्जा सुरानानै सोमावसारदों

तामुलपुर, 13 नभेम्बर: दुलाराय आसाम कलिता आलपाइन जनगछि सन्मिलननि बिथोन बायदियै तामुलपुर जिल्ला कलिता आलपाइन जनगछि सन्मिलननि खावलायानाव दिनै तामुलपुरआव कलिता हारिखौ बसुन्धरा 3 नि गेजेरजों हा-हुनि मोन्थायनिफ्राय नेवसिनयनि हेंथायै आरो कलिता हारिनो जनजातिनि दाबियाव बन्जार लानाने लामा हान्जा सुरना (□ 6 बिलाइआव)

दिसपुरआव साहा हारियारि-आदिबासि आफादजों मन्थि पिजुष हाज'रिकाआ सावरायलायदों

गुवाहाटी, 13 नभेम्बर: आसाम सरकारनि मन्थि पिजुष हाज'रिकाआ दिपुरनि जनता भवनआव माखासे एमपि आरो मन्थिनि नुजाथिफेनायाव आदिबासि आरो



साहा हारिनि माखासे आफादनि थान्देफोरजों हारिनि गुबुन-गुबुन आयदानि सायाव मोनसे सावराय जथुम खुंदों। एमपि रामेश्वर टेलि, कामाख्या प्रसाद टाशा, राइज्यो सरकारनि मन्थि सन्जय किषान, आसाम राइयो

हान्था-मेला निगमनि आफादगिरि पल्लव लसन दास, बारग' मन्थि आरो साहा जनजाति हारियारि सन्मिसननि आफादगिरि पृथिवि माझि, आसाम साहा जनजाति फरायसा (□ 6 बिलाइआव)

गोरोन्थि फोसाबनाय

13 नभेम्बर, 2024 बुधवारखालि ओंखारनाय जौनि सानसेयारि बड'सा खीरं बिलाइयाव सेबखांजानाय 'कक्राझारआव लामानि जात्रबथायाव सा 5 खीरंगिरि जोखोम' जायगायाव गोरोन्थियै 'कक्राझारआव लामानि जात्रबथायाव सा 50 खीरंगिरि जोखोम' सेबखांजानां। वेनि थाखाय सुजु आफादनि जानाने निमाहा बिद्यो।

आसाम सरकार

गागि सल 'मागिरि, सल' लिरगिरि, ज्ञानपिठ बान्था मोनगिरि मामनि रयसम गरस्वामी (ड० इन्दिरा गरस्वामी) नि जोनोम सानाव बिथानिसिम आसामआरिनि जानाने गोर्बोनिफ्राय सिबिनाय बाउहरदों।

ड० हिमन्त विश्व शर्मा गिबि मन्थि, आसाम

14 नभेम्बर 2024

फोरमायथाइ आरो सुबुं फोनांजाव बिथोनगिरिख', आसामजों फोसाव जानाय

Connect with us @diprassam dipr.assam.gov.in

Janasanyog/Dr8642/24/14-Nov-24

सुजुगिरिनि खोलोम

दानाय-लुनायनि फार्सेबो लाखिनायनि गोनांथि दड

गोदो-गोदायनि समनिक्रायनो गामिआव राइजो जाबोनाय सुबुंफोरा दानाय-लुनायखौ गोनां आरिमु महरै बोजबनानै लाबोदो। वर' माहारियाव बाश्रा फंसे दड, दानाय-लुनायाव आखाय गैयैखौ हाबा रोडै होनानै सान्नाय जायोमोन। बाश्राया नंखाय नड। गामिआव नख'रफ्रोमबो साल-गान्दैजो समाइना इसानसालि गंसे थानायमोन। मेसें बोथोर सौफेनाय लोगो लोगो नख'र नख'र सि सौनाय, नो-खन्नाय, बेनि उनाव गान्दैआव खुन्दुं फान्नानै सालाव दिखानांनै सि दानाय जायोमोन। गामिआव हाबहैब्लानो नख'र नख'र खालथा-खालथां माखु गाबनाय सोदोब खोनानो मोनानायमोन। आथिखालाव नाथाय गामिफोराव हाबहैब्लो माखु गाबनायखौ खोनानो मोनबालिया। गामिनि आइजोफ्रा सि दानायखौ मानि थाखाय नागरनो हमखो बेखौबो गोथैयै साननो गोनां जाबाय। गोदोनि समाव खुन्दुंखौ गाव गावनो बाइदि रोखोम मुवाजो गोमो-गोथां, गोजा-गोसोम बाइदि रोखोमि मुवाजो बाइदिसिना गाव गानानै सि दानायमोन। दानि समाव नाथाय, हाथायाव मोन्नाय गोजा-गोथां, गोमो-गोजा बाइदि रोखोम गाबनि खुन्दुं बायनानै दखना, जोमग्रा सिमा, गामसा बाइदि बाइदि रोखोमि सि दानाय जायोमोन। गोदोनि समाव गामि गामि इन्दि बिफानि बागान खालामानानै एफ्फो फिसिनानै फिथोबनिक्राय इन्दि खुन्दुं दिहुन्नानै इन्दि सि दानायमोन। नख'राव जोमनो दोनानै गुबुनोबो फानहरोमोन। इन्दि सिनि बेसेनआ गोदोनिखुइ आथिखालाव बेसेन गोसासिन जाबाय। गोवां रोखोमि इन्दि सि दानानै दिहुन्नो हायोब्ला बेनिखुइबो गोबांसिन रां आर्जिनो हायो। बेजोको नख'रनि गथ'-नाथायनि खसांखौबो बुधुमनो हायोमोन। आथिखालनि सुबुंफ्रा नाथाय इन्दि सिखो बाहायाबालानो हाथायफोराव मोन्नाय बाइदि रोखोमि सिफोरखौसो बायनानै जोमनो लाबाय।

आथिखाल सि-जोम फालांगि खालामनो माखासे आइजोफ्रा सिगाबोनायखौ नुनो मोन्दो। राइज्योनि दाब दाब जायगानि हाथाय-बाजार आरे उउन-सहरफोरवबो आइजोफोरखौ बाइदिसिना रोखोमि सि-जोम, दखना, जोमग्रा सादि, आर'नाइ, गानग्रा गामसा, बिसिना सादेर, जोमग्रा सिमा जिफोरनि गला होनानै जिउ खानाय नुनो मोनबाय। बिसोरनि खायफाया अयथया गला महरै फान्नायनि रहा लादोब्ला खायफाया सप्ताहयारि हाताय-बाजारफोराव गिदि गिदि फान्नानै सोलिनया गोवां वर' आइजो जि फालांगिफोर दंसे। आथिखालाव गामिफोराव सि-जोम दानाय-लुनायखौ गोवांथार सोलिनया नुनो मोन्नाय जालिया। बेखायनो माखासे गिदिद थाखोनि उइभिनिफ्राय दिहुनजानाय सि-जोमखौ फान्नायाव गोवां मदत आरे थुलुंगा होनायनि गोनांथि दड। बिसोरनि हेफाजाबैनो दानाय-लुनायनि फार्से हेफाजाब होनायनि गोनांथि दड।

दिनैनि फान्जामुथि

राशि बाइदियै मुनि गिबि हांखो

मेघ : अ ल वृष : ऊ ब (उ ए इ) मिथुन : क छ (ड घ) कर्कट : ड ह सिंह : म ट कन्या : प ठ (ण ष) तुला : त र बृश्चिक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

- मेघ:** जेथिबो सुखुखौ मोन्दानो हागोन। जेखियानो मावा जाकुंसारगोन। मोजां सान।
- वृष:** बेफार-फालांगि मावग्रानि थाखाय मोजां सान। मुलाम्फा खालामनो हागोन। गोजोन मोनगोन।
- मिथुन:** नख'र संसारनि थाखाय सुभ खामानि मावनानै लानो हागोन। सान्नाया जाकुंसारगोन।
- कर्कट:** जरा-जुलिन थाखाय आगान सुप्रोनानै लानो हागोन। बे रसिनि थाखाय गोथार सान।
- सिंह:** बायदिसिना जेनाखौ लानानै जिगा सिनानो हागौ। नख'रआ सान्थि मोन्नाय नड। गोसोखौ हमथा।
- कन्या:** न' हाबनाय-गाइसन्नाय बेफोर गोथार खामानिखौ मावनानै लानो हागोन।
- तुला:** जेखियानो जाया मानो गोथार हाबा मावनो हागोन। सान्नाय-हनाया जाकुंगोन।
- बृश्चिक:** जेखि जाय मोनफ्रोमबो खामानिआव सान्थि मोनो हागोन। गोजोननि बार बारगोन।
- धनु:** मोजां खामानियाव आखाइ दाहो। दिनै दिनाव असुभ जानो हागौ।
- मकर:** सान्नाय-हनाय गोहोआ गोमालानो हागौ। गोसोखौ धैय्य हमनांगोन।
- कुम्भ:** माबाफोर मोन्नायनि आसा दंब्ला मोनो हागोन। गोसोखौ गोजोन मोनगोन।
- मीन:** जेखि जाया मावा मोनसे खहा जानो हागौ गोसोखौ हमथानानै थानाया मोजां।

सना आरो रुफानि बेसेना बांदौ

गोदान दिल्ली, 13 नभेस्वर: सना आरो रुफानि बेसेनफोराव पिन गोखैथि बांनयखौ नुनो मोन्दो बुधबार फुडव सना आरो रुफानि नख'रि बेसेननि हारखौ गोथां सिनआव ट्रेड खालामनायखौ नुनो मोन्दो। एमसिएक्स एक्सचेन्जआव 5 डिसेम्बर 2024 नि डिलिभारि जानो गोनां सनानि जागायनाय फालांगिआव 0.28 जौखोन्दो एबा 213 रां बारायनायजो लोगोसे 10 ग्रामआव 75,114 रां ट्रेड खालामनायखौ नुनो मोन्दो। सनाजो लोगोसेनो बुधबार फुडव रुफानि बेसेनखौबो सोलाय-सोल' जानाय नुनो मोन्दो। एमसिएक्स एक्सचेन्जआव बुधबार फुडव 5 डिसेम्बर 2024 नि डिलिभारि जानो गोनां रुफानि बेसेना 0.82 जौखोन्दो एबा 733 रां बारायनायजो लोगोसे मोनफ्रोम किल'ग्रामाव 90,060 रां ट्रेड खालामनायखौ नुनो मोन्दो। अदेबानि, 2025 नि 5 मार्चआव डिलिभारि जानो गोनां रुफानि बेसेना बे समाव 0.75 जौखोन्दो



एबा 691 रां बारायनायजो लोगोसे मोनफ्रोम किल'ग्रामाव 92,350 राडाव ट्रेड खालामनायखौ नुनो मोनो सनानि मुलुगआरि बेसेनफोराव बुधबार खालि गोखैथि बांनयखौ नुनो मोन्दो। ब्लुमबर्गनि बादिब्ला, कमेक्सआव सनानि मुलुगआरि हारआ 0.38 जौखोन्दो एबा 9.80 डलारनि गोखैथिजो लोगोसे मोनफ्रोम ग्रामाव 2616.20 डलार ट्रेड खालामनाय नुदो। फारसेथि, गलड स्पर्टनि बेसेना 0.37 जौखोन्दो एबा 9.65 डलार बारायनायजो लोगोसे मोनफ्रोम ग्रामाव 2608.04 डलार ट्रेड खालामनायखौ नुनो मोनो।

गुवाहाटीआव 10000 याबा टेब्लेटफोरजो लोगोसे सा 5 सुबुंफोरखौ हमदो



गुवाहाटी, 13 नभेस्वर: आसाम पुलिसनि मोनसे हान्जया थानाय मंगलबारखालि हरव गुवाहाटीनि हाटियाव ओन्सोलनिफ्राय सा 5 सन्देह खालामथाव ड्रग्स फालांगिफोरखौ हमनो हादो। सन्देह खालामथाव फालांगिफोरखौ सोद सुलुनि बिथायाव हमनाय जादो। पुलिसनि बादिब्ला, सन्देह गोनां बिसोर सुबुंफोर आइन बेरेखा याबा टेब्लेट रानसारग्रामो। बिसोरनि सायाव सोद सुलुं मोनानै पुलिसआव हाटियावआव थानाय मिरु गेस्ट हाउसआव सिप्रोमो आरो 10,000 याबा टेब्लेटफोर आरो 11 ग्राम हेरइनजो लोगोसे सा 5 सुबुंफोरखौबो हमनो हायो। हम जानाय ड्रग्स फालांगिफोरखौ सार्भेअरिनि महम्मद हसु मिया(45), बिलासिपानि अमिना खानुन (40), पथरन्डीनि अकमल हुसेन (27) आरो करिमगजनि थैहिया अहमद (24) मुडै सिनायथिनो हादो। बिसोरनिफ्राय नोगोद 500 रां आरो गंभ्र मबाइल फनबो बोखोनो हायो।

डनाल्ड ट्रम्पआ एलन मास्क आरो बिबेक रामास्वामीनो गिदिर बिबान होदो

वाशिंग्टन, 13 नभेस्वर: टेस्ला गाहाय एलन मास्क आरो कौटिपति उद्यमीफ्राय दैदेनगिरि जानाय रामास्वामीनो आमेरिका हादतगिरि बिसायख'थियाव गोखोडै देरहासारनो हानाय डनाल्ड ट्रम्पआ गिदिर बिबान गथायदो। डनाल्ड ट्रम्पआ फोसावनाय बायदिव्ला मास्क आरो रामास्वामीआ डिअजिडिखौ दैदेनगोन। डनाल्ड ट्रम्पआ मोनसे बिबुंथियाव बुडोदि, एलन मास्क आरो रामास्वामीआ आनि खुंथयनि थाखाय सरकारी बुरिउक्रेसिखौ फोजोबनो उफ्रा नेम-खान्थिफोरखौ कमे खालामनो खरसायाव दावख्ताय होनो आरो जुथाय एजेन्सिफोरखौ दाफिन्नाय हाबाफारिखौ दैदेनगोन। सुलुडव फोस्मायनाय बायदिव्ला मास्कआ मोनसे डिअजिडि सायाव गोनांथि होदोमोन आरो बै समनिक्रायनो लान्थिये बेखौ बांनोनाय जादो। ट्रम्पनि बायदिव्ला, एजेन्सिफोर गासै जुथाय सरकारीनि गासै रांखायिखौ अडिट खालामगोन आरो बेयाव साबसां होनो थाखाय आर'ज गाबगोन। बेर



फारसे एलन मास्कआ थानाय दानाव खौरांगिरिफोरनि सिगाडव सरकारी खरसाखौ 2 ट्रिलियन डलार कम खालामनायनि थांखि फोस्मायदोमोन। फालांगि महरै जर'खांगिफोर बुडोदि, बेसेनाव कमायनायनि फिथाय महरै नेम-खान्थियाव खालामनो हागौ। जाय थो'जोडै मास्कनि कम्पानीफोर जर'खायै टेस्ला, स्पेसएक्स, एक्स आरो न्युरालिंकखौ गोहोम खोख्लैगोन। फारसेथि रामास्वामीआ सासे धोनि बायटुक उद्यमी। बियो थानाय बोसोरव रिपब्लिक पार्टीनि नमिनेसननि थाखाय गिबि खेब बिसायख'थि गेलेदोमोन। मख'नो गोनांदि, डनाल्ड ट्रम्पआ थानाय

भटिनि सानआव प्रियंका गान्धीआ भायनाडनि भट होग्रा मिरुफोराव सौहैदो

भायनाड, 13 नभेस्वर: भायनाड लकसभा उपा बिसायख'थियाव कंग्रेसनि दैदेनगिरि इडिफनि बिजाथि प्रियंका गान्धी वाद्राआ बुधवारखालि मिर्जिथनाय फोरमायोदि, बे संसदीय ओन्सोलनि सुबुंफोरा बिसोरनो गावसोरखौ दैदेननायनि खाबु होगोन। कंग्रेसनि गाहाइ नेहाथारिआ भायनाडआव उफ्रा बिसायख'थिफोरनि थाखाय फोसावनाय भटनि समाव पलिं बुथस दावबायनाय समाव बुडोदि, भायनाडनि सुबुंफोरा आंनो गोदान खाबु होगोन होनानै मिर्जिथियो। बेराफार्से वक्फ आइनि सायाव सौंथि सौनायाव प्रियंकाआ बुंदोदि, आं सानो दिने बेबादि जेना



गोनां बाश्राखौ सावरायनायनि सान नड। मानोना दिने भटनि सान। बिथाड बेयाव गासै सुबुंफोरा गावसोरनि सुबुंखान्थियारि मोन्थायफोरखौ बाहायनानै भट होगोन होनानै मिर्जिथियाय फोरमायो। सुलुनि बादिब्ला, राहुलआ 2024 नि लकसभा बिसायख'थियाव भायनाड लकसभा सीटआव 3.5

हारियाणा सरकारा 100 गजनि फ्रि प्लट स्कीमनि थांखि लादो

हारियाणा, 13 नभेस्वर: जुदि नोथाडबो हारियाणा राइज्योनि थांगिबि आरो कम आइ थाखोनि सुबुंब्ला, नोथांनि थाखाय गोजोनथाव खौरां। अदेबानि हारियाणानि नायब सिंह सेनी सरकारा कम आय थाखोनि सुबुंफोरनो गिदिर अन्थोब होनायनि थांखि लागसिनो दं। राइज्यो सरकारनि फारसेनिक्राय बेबायदि सुबुंफोरनो न' बानायनायाव मदत खालामनो थाखाय 100 गज हा होनाय बिथांखि थियारि खालामगसिनो दं। थानाय सानफोराव गिबि मन्थिआ बुंदोमोनदि, 'मुख गिबि मन्थि ग्रामीण आवास यजना'नि गेजेरजो 1 लाख फोरमान लाइ थानाय मुलाम्फा मोनगिरिफोरनो थाबैनो 100 बर्ग गज हानि प्लट मोनसिगोन। मोनसे मावख'यारि बिबुंथिनि बायदिव्ला हारियाणायाव 2 लाख सुबुंफोरनि न' लुनायनि सिमाडा मोगथां महर मोनसिगोन। बे बिथांखिनि गेजेरजो हा गैजायै फोरमान लाइ होनाय जागोन। मुख्य मन्थि ग्रामीण आवास यजनानि गेजेरजो राइज्योआव 5 लाख



सुबुंफोरा हानि थाखाय आर'ज गावदो। आथिखालाव फोरमान लाइ थानाय गासै मुलाम्फा मोनगिरिफोरा आलादा-

मुलाम्फाखौ मोनो हासिगौ। सरकारा 100 बर्ग गजनि हायाव न' बानायनायाव मुलाम्फा मोनगिरिफोरनो मदत होनो थांखि लादो। बिसोरनो न' बानायनायाव मदत खालामनो थाखाय प्रधान मन्थि आवास यजनानि गेजेरजो रांखान्थियारि हेफाजाबबो होनाय जागोन। बेफोर गासै बो हाबाफारिफोरनि थाखाय बिफाननि गाहाय बिथोनगिरि जे गणेशनआ गोनांथि जानाय बायदियै बिथोन होनो थाखाय बिफाननि बिबानगिरिफोरजो लोगोसे मिटि खालामो।

लेबानननि हिजबुल्लाहनि बेखनआव थानाय ओन्सोलआव इजराइलनि गाग्लोबनायजो सा 20 सुबुंफोरनि जिउ गोमादो

बेरुत, 13 नभेस्वर: इजराइल सान्थिआ बेरुतनि खोला उफ्रा नोगोरफोरनि सायाव गिखंथावै उरां जाहाजजो गाग्लोबदो। लेबानननि हिजबुल्लाहनि गोहोमआव थानाय ओन्सोलआव बेयो दासिमनि बयनिखुइ गिख थावसिन गाग्लोबनाय। इजराइल सान्थिआ बे गाग्लोबनायखौ लेबानननि गेजेर बाहागोआव खालामदो, जेराव 20 निखुइ बांसिन सुबुंफोर जिउ गोमायो। लेबानननि खोला उफ्रा नोगोरफोराव थानाय मंगलबारखालि फुनिफ्राय जागायनाय गासै 1 दर्जन गाग्लोबनायफोरनि जाहोनाव बेरुतआव उखुन्दै गोसारो। ससेल मिडियाआव नोगोरारिफोरनो सांग्रांथि होनायनि उनाव इजराइल सान्थिफोरा बुंदोदि, बिसोर बेरुतनि दहियाद ओन्सोलाव थानाय हिजबुल्लाहनि केम्पफोराव गाग्लोबो आरो



उनाव बुडोदि, बिसोर हान्जानि बांसिन हाथियारफोर आरो मिसाइलनि सुबिधाफोरखौ सिलिंखार खालामदो। इजराइलआ नोगोरारिफोरनि खहाखौ खम खालामनो थांखि लादो होनानै बुडो। बेराफार्से इजराइल सान्थिफोर बुंदोदि, सा इजराइलनि नाहरिया सहरआव गंसे सुबुंफोर थाग्रा बिल्डिङव गाग्लोबनायजो सानै सुबुंफोरनि जिउ गोमायो। बे जाथायनि उनाव हिजबुल्लाहआ इजराइलनि गाग्लोबनायनि दाय लायो आरो बुडोदि, बिसोरनि थांखिआ नाहरियानि सान्जा फार्से थानाय मोनसे सान्थियारि गाथोनखौ नोजोर होनायमोन। सान्थिफोरनि बादिब्ला, सा-सान्जा बाहागोआव इजराइलनि गाग्लोबनायनि जाहोनाव इजराइलीफोरा आश्रय लानो गोनां जानानै फैदो। मोनसे बेरुतनाय जाथाया हाइफ उफ्रा नोगोरआव थानाय मोनसे किन्डारगार्टनि प्राणआव जादो, जेराव गथ'फोरखौ आश्रय लाग्रा जायगायाव लांनाय जादोमोन, आथिखालाव बेयाव रावनिबो खहा जानायनि खौरां मोन्नाय जायाखै।

धुबुरीआव ट्राक आरो बासनि सौग्रावनायाव सासे सुबुंनि जिउ गोमादो, साब्रै जोखोम

धुबुरी, 13 नभेस्वर: धुबुरीनि डुमरदाहाआव दिने 13 नभेस्वरखालि गंसे बास आरो ट्राकनि गेजेराव गोखोडै सौग्रावलायनाय जाथायाव सासे सुबुंनि जिउ गोमायो आरो गुबुन साब्रै सुबुंफोर जोखोम जायो। माहारियारि राजा लामायाव गंसे ट्राक आरो गंसे बासनि गेजेराव सौग्रावलायनाय जाथायाव गंने गारिफोरा गात्रियैनो खहा जायो। जाथाय सोमजिनानयनि उनाव पुलिसनो खौरां हरनाय जायो।



मानोना बे जाथायखौ लानानै फोरोंगिरिआबो दंफायो, जायनि थासारिआ गोब्राब। होनो जागायदोमोन। जोखोम जानायपोरनि गेजेराव डुमरदाहा फरायसालिनि गाहाइ

जायो। जेराव सा 3 नि फाहामथाय सोलिगसिनो दड आरो जतिन राय मुनि सासे फरायसाआ जाथायथिलियावनो जिउ गोमायो। दुखुंथाव जाथायजो भुगिनांनाय फरायसालिनि फरायसाआ धर्नायाव बाहागो लायो, जेराव नायबजिसनो आरो साबसिन लामा रैखाथि राहाफोरनि दाबि दैखाडो। आथिखालाव सौग्रावनायनि जाहोनखौ बिबानगिरिफोरा नायबजिसगसिनो दड।

गोजां बोथोर

गोदान सल' लानानै
गोजां बोथोरा फैबाय,
सोरबाया गोजांनयजों
मोदोम थोर थोर मावदों
सोरबाया सान्दुं सायनानै
गाव गावनि मोदोमखौ गुदुं खालामदों।
गोजां बोथोराव सान्दुंखौ जोबोर मोजां मोनो
अरखौ गोदै बायदि मोनो।
गोजां बोथोराव दैखौ गियो
अरआव बारसोमनो गोसो जायो।
सानआ माब्ला ओंखारो, माब्ला हाबलाडे बेखौ रावबो
मिथि स्लाबा।
गोजां बोथोरा फैबाय
बेसेबां दि समायना गाव लाबोफादों।
गिजि गब्लं सि गान्नाय
हाउरीया मानसिया हान्थुनि गेजेराव
गावनि खर'खौ एरसोयो।
दुखुथिया हाउरीया खामला मावग्राफोरा
सिबाय सानफा मोन हाबा मावो
न' आव फैबा सिबाय उदै बुंजासे
ओंखामखौनो मोनजाया
खालि बेहा थानो दड डेरा न' ख'नासे।

दिनेस बसुमतारी

गावदां समायना आगर

फिथिखा लुफावनाय समायफले होयो नों...
गोसोखौ बोगथाबना लाडे''
गलाब बिबारनि महरा नौनि
आंखौ जावलिखा खालामनो हायो''
साननि जौनायाव बेरखानाय महरा नौनि
बेसेबांबा जोंझां-झां गुफुरै गावदां दां....
आय' हाबाव आंखौ मुहि होबाय
आं जावलिखा जानां मारबाय नौनि...।
दिनै गाबोन बोथोर फैबै...
गोसोया जाबाय नोंखौल' नोंखौल'
सान हर लाफानो अराय सम हास्थायग्रासो जाबाय,''
हाब आं फाग्लासो जाबाय नामा... ?
लाजि रोडै गिनो रोडे
बे नौनिसो जादु नामा.... ?
राव, फाव, महर, मुझि...
नों जातुगिरि नामा.... ?
आंखौ नायगोमो होनो हाथारो...।
लाजिस्तु महरजों जंखाय हरनाय''
मेगन बेझां, गन्थं जंब्लिद, गुस्थि जागा-जागा
खानाइ रुम्बां, जान्जि बालें गोजौयै रेदें रेदें...
मिनि खैरो रावजों रैरुब गारांजों
नों आंखौ एदाव हरनाया
बायदि फावजों आंखौ जावलिखा खालामबाय
गोसोआ आंनि सोरां मोनबाय
आय' नों बादि हिन्जाव दंबावो नामा... ?
आंलाय मा रावजों नोंखौ गाबजिनो...
ना रजे, ना स'ना, ना फांदां, गासिबो नोंनो,''
नोंखौ नुब्लानो जासै गोसोआ सोरां
नोंखौ नुयाब्लानो जासै गोसोआ दरसि''
नों दंब्लानो गासिबो दं सानो''
नों गैयाब्लानो गासिबो गैया''
हाब आंलाय नौनि थाखाय दरजा खेंखाबाय
हाबफै आंनि गोबों न'आव नेनानै थागोन...।
गोबौनि अन्नाय नों नाजाव फै,
अन्नायनि रैदुब फिथिखाजों
रैसुमै गारांजों रोजाव फै,
हायेननि देंखोजों रजे नों
हाइला-हुइला मोसा फै,
गोमोथाव हाइना रुक रजेनि
आंखौ जेब्लाबो सोरां खालाम फै
रजे नों मा एसे रंगिना...
नोंनो आंनि गावदां समायना आगर...।

मुझि संसार ब्रह्म
उदालगुरि

इसारानि मोन्दांथि

खोमसिरोमा रोमि नै बे सानजा अखाडव
जोमै दख्ला दख्लयावो साग्लोबहां साग्लोबहां
बारहुंखा फैसि फैसि दुब बिखा मावखानाय मोनो
गोफोन खुन्थियानि लोरबां नबथिया थावरिहां थावरियाहां
थेवबो..
बोगदाद गोसोजों गावथानाय आथिनि आसिफोरा
सम सम गादलिनहां गादलिनहांब्लाबो
नोजेरजों मोनसे रोखा सावगारि एरखांहरनो नाजासोमो
फान्दायारिफोरनि मोहेरनायाव गोदान लामा मोनफिनो
जुजिसोमनायनि मोजोमसे बोलो जौगाखांबोयो।
इसारानि मोन्दांथिया गोबों बिखानि जानगार नड
गंसे गोखों न'मा गायसननायनि मिजिडव
गुबुन सोरनिबा गोसोखौ हावलाद लानोबो गोनांथि गैया।

हेमन्त ब्रह्म
2 नं गोजोनफुर, सनितपुर

अन्थाइ नडा, हिरासो

बेफोरो अन्थाइ नडा
जायफोरखौ नों अन्थाइबादि नुदों
बेफोरो थरफा थरफा हिरा,
अन्थाइनि जालामा थोरफोजों जाय दाजदों
सा बिखुं हिरानि जौथि सोरां महरखौ दोनखोमानो।
अन्थाइनि फिसा फिसा अन्थाइ सेरेब गुन्द्रासाफोरा
हिरानि महरखौ लाखोमादों
गावसोरनि हारिजों सें समायनो।

थरफा थरफा हिरानि जिनिरफोरखौ हुगार
बेफोर जिनिरफोरखौ ब्रासजों मानजिना हुख'
बेफोरो गोजों जौथि जौथों रिफिथों,
साननि स्रं सोरांजों रिफिथनथों।
बेफोरो हिरायानो, हिरानि महरा माब्लाबाबो सोलाया
नाथाय बेफोरो जिनिरफोरजों माराम जायोब्ला
बेफोरनि जौथिनाया गोमायो,
हिरानि जौथि धोरमा लाखोमाजायो।
बेफोरो अन्थाइ नडा, हिरासो,
जायफोरखौ नों अन्थाइबादि नुदों—
जिनिरखौ मानजिना नाय बेफोरो जौथिगोन
जौथि जौनाय धोरमजों हिरानि महरखौ
मोनफिनगोन।

दैमासा ब्रह्म
गामि: लन्थायझार
जिल्ला: चिरां

गोबौनि अनसेमानो

दाखलि हुरागासे
नों सोंबायबायदोंमोन-
माबोरै दं ? नख'राव माबोरै ??
आं बोलो मोना-मोना
आंनि खबर खोन्थानो माबोरै,
सान्दों आं-
नोंनो फोरमायनायावबो आंहा माबा खैफोद ?
संघि-बानलुनि रोखोमसे दावहा,
थाखा-फैसानि नेरलायलायनाय
आरो सिमानि
बेसेदि आय' बिदा फंबायमोनजों।
सिथलायाव गोथों थैफोरनि
खांसोर मोनामनाय
सैमाफोरा सोलास्लिब-सोलास्लिब
उदै बुंजासे गोजोन मिनिलांनय
बिखौ नुना आय'आ
खाफाला आखाय हमना बबा सिथलायावबो,
आयआ माबा बुंगोन सान्दोंमोन जानांगो
नाथाय जों रावबो खोनासडसै
मुखुब जादोंमोन जों
नोंनिसो गोरौन्थि बिनिसे दाय
आसि थुयै-थुयै
जों रावबो राव दाय गनायलाया,
जों गावजों गाबनो गावमालायबाय
आरो नै अनसेमा
जों गावमालायनायनिफ्रायनो
मुखुब आंबो बिसोरबो-
नाखेबलायनो गादबलायनो।
दा आंनि बिदा फंबायमोना
न'नि सोरगिदि कमक्लिट-वाल होना
एल, सि, सि, एन बायदि जातनि सैमा फिना
न' सिनिफ्रायनो रायहरो-
गुन्दा, लुस्सा, बैमान बायदि बायदि
आं सैजो हाया-हाया
न'आव सि-फैफिन्ना
नोंनो फोरमायनो खोलोमल' गंसे दैबाय..
नों फिन सानसे दा सोंफैफिनसै
आं खोन्थानो रॉफिन्नाय नंलाया।

रिसार औवारि
(जि.इ.उ.के. चि)

आगोमा बड'सा

बर' हारिनि गेजेराव
बर' बिमानि गाबनाय-मिनिनाय
दुखु-दाहाखौ बर' फिसाफोरनि गेजेराव बिलायनो
जोनोम मोन्दों नों
आगोमा बड'सा खौरंलाइ।
बजबगोन जों बर' फिसाफोरा नोंखौ अराय।
बर' हारिनि गाबनाय-मिनिनाय
गासिबोखौबो नौनि बिखायाव बजबना लानानै
फोरमायो नों बर' हारिनि गेजेराव।
नोंनि बिहोमाखौ जों बर' फिसाफोरा
जेब्लाबो बावनो हानाय नडा।
अरायबो थानानै थाथों
आगोमा नों बड'सा खौरंलाइ।

निजिरा ब्रह्म
गामि-सिम्बरगाव

रंजालि गथ'फोरनि सौरा

सिमा गैया

लैथोखौ गास'हरनो हायै
बेनि रुगुं नुहरस'हायै
गाबोनखौ मिथिस'नो हायैआव
बियो सिमा गैया
गोसोनि हास्थायनायावबो बेयो
फोलोम जाया
एसेबां गांहाबदों एसेबांनो
खंख्ला दैहुनि सोदोब रिंखादों
जेसेबां सानदों एसेबांनो
मिथिसिनदों
नाथाय
थेवबो नुहराखै बिनि सिमा
सानफोमबो बेयोदि फैफिनदों
सानफाथोलो होसोथिंबायनादों
नों आं जों बयबो
लैथोनि गोथोथिखौ मोननो
बिनि रुगुं मोत्रो
गोसोनि हास्थायनायाव।।

सोरां ब्रह्म
चिरां

उदां जानाय

गेगो खुंथाय
गोजोन जौगालु
सोलायनाय लाबोनाय
गिनाय जाखलनाय
आरो गावनायनिफ्राय
उदां जानाय।

सबिराम बर'
राबां, बागसा

नोंसोर खुबैनाय अन्थाइनिनो बे न'आ

नोंसोर नुबाय जौथि माथि सहरनि न'
महराव मोदानाय गोगोम दिदोम
रिथि रिथा, जौथि जौब्लाव हाथरखिनि न'
बेयो बेसे गोजोन, बेयो बेसे समायना
मेगनाव गोनां, हायनाजों गोसो बोघ्रा
नायबाय थागौ नडे, मेगना अहाया, नंगौना ?
बेयो आंनि न' गोजोननि सहराव गोजौ न'।

नाथाय खोनासड बे न'हाबो दं गोबों नांहाब दुखु जारिमिन
जायफोरा जारिमिन बिलाइयाव लिरजायै
रावजोंबो मिथिजायै, रावजोंबो सोंफेरजायै
थेवबो आंनि बिखानिफ्राय बोखानो हायै
दुखुनां जारिमिन गोसोखाडोब्ला गोजांखिबो
गोबोंआव हुरा हुरा बारनाय बारा सौदावफैयो
आं मिथिया हम्था हायै मोदेया मानो बोहैयो।

गोसोखाडे आं सानसे समाव नोंसोरजों सैजायै आंमोन
नोंसोरनि आंखौ जंखायनायानो आंनि थुलुंगानि गांमोन,
आंनि मोदैफोरखौ अनजालि बारा हुगारदोंमोन
बिसोरनो आंखौ बिलितना बुरखायदोंमोन, फुथुदोंमोन
बिबारफोरा गोसोनि दैलो गोजोन होदोंमोन
आं मावरियाब्लाबो मिथिगाया बिमा महरै अनबोदोंमोन
गासैखौबो आइ मिथिगाजों रायज्जलायना बावनो नाजादोंमोन।

सहराव नुनाय गोजौ गोजौ जौथि माथि न'फोरा
बेफोरो नोंसोर खुबैनाय अन्थाइफोरजों लुजानाय
गोसोखां सुबुं बेसेबां बुब्लि बारबोनाय
नोंसोर खुबैनाय अन्थाइफोरानो दिनें आंनि जिउ
बेफोरनो दिनें आंनि बिखानिबो बिखा।

नोंसोर खुबैनाय अन्थाइफोरखौ आं गाहराखैमोन
एबा नोंसोरखौ आं खुबैफिनाखैमोन
बेफोरो आंनि गोबों सोलेरावबो जोखोम होआखैमोन,
बेफोरो आंनि सानसुमै गोसोआव बाहा बोदोंमोन
फारेव दाउनि उखुम मुदायाव बाहा बोनाय बादि।
नोंसोरनि खुबैनाय अन्थाइफोरखौ आं खनथुमदोंमोन
बेफोरखौ आं खुदुमदोंमोन, गोजोननि मिनिस्तुदोंमोन
गोबौनि जलंगायाव सोना लानानै आं न'सिम लानानै फेदोंमोन
बेफोरखौ आं जोथोनै आलोयै लाखिना दोनदोंमोन
नोंसोरनि खुबैनाय अन्थाइखौ आरोबाव नेबावदोंमोन,
बेफोर गासै जथाइ अन्थाइनिनो लुनाय बैफोर न'आ
सहरनि जौथि माथि न'आ नोंसोरनि खुबैनाय अन्थाइनिनो।

दैमासा ब्रह्म
लन्थायझार, बिजनी
चिरां

जिउनि लोगोरि

आय' जिउनि अनसुलि लोगोरि
सिमाडव नडा मोगथाडव,
बोदोर बाउलि गोसोआ
निन गैया जायो नोंखौनो साननानै।
जाराम गाबनि जुमाइ फेनानै
गब'बाय आं दिनें अन्दासिआव,
गुपुरजों साग्लोबनाय माया जेयाव
देबोर नांनो आं अन्दाय हारा जाबाय।
नुहां नुआहां नौनि जारौ-रौ महराव
जौसाय फागोला आं दिनें बे माया संसायाव,
मोन्दांस'नो हाया मिथिस'नो हाया
थायो नों बबे खंथायाव।
इसिनि जिउ सिजोनि नेसौने
बा गोथो बाथी बिन्दोनि महरै,
थायो खोमा नुआथारि बिलाथलाथायाव
दडे खोमा नों बयनिबो जिउ सोलेराव।
माला थाडे माला फैयो
मोन्दांस'नो हाया नौनि गुपुर,
आय' अनसुलि लोगोरि
अब्लाबो नोंखौ आं हास्थायो
अराय लोगोसे जिउ खुलानो।
दानागार दानागार लां लोगोरि
फै जिराय फै आंनि देरायाव
आलो गोजोनै मिनि खुसियै जिराय फै।
आजोला गोसोआ बावगोमाना थायो
अब्लाबो नों दाबाव लोगोरि,
नोंनि अनगायै जागोन लांदां फादां
आंनि बे देराया उरि अरफव लांगोन।

पबित्र ब्रत दैमारी
ग'लाघाट

हांखोनि मानसि

अराय बोथोर गोसोआव
लाजाबाय थानाय नडा
जेब्ला नों जानो हाया
हांखोनि मानसि

रैदोम बर', बाक्सा

नोंनि गोबौ ख'थायाव थरसे अलंबार

जाना आं थाहैगौ सानो अरायबो

नोंनि जुलिन रादायाव जेब्ला आं
सहायनो हायाजायो अब्ला
आंनि दाय सानना गोजोनै था नों।
नोंनि खाफालनि गोजा सिन्दुरा आंखौ सोगाबोब्ला
आंखौ जावलिखा सानना नों मिनिस्तुनो नाजा।
गोरान बिलाइफोर बादि
गोसोया आंनि बिबारफालोब्ला
समनि फिदिनाय सानना नों गोजोनै था।
रुगुं नुहरस'यै जिउनि लैथोयाव
बैथा गोमा जानाय दिंयारि
जाना आं दावबायोबोला
सुदेम बार जाना बिलिरफै नों आंखौ
मंगिलनाय सोलेर गोजोन मोनगोन।
नोंखौ मोजां मोननायनि देंखोजों
फुंभिलिनि सुदेम बार बारबोयो
अरायबो गोबों हावाराव।
अरायथा गोयै सिमानि सेर सेर
नों फैयोबोला
आंगो आंगो मोन्दांनय गोरबोया
थं नागिरो दाबसे गोजोन नोगोरनि।
मोगथायाव नों फेनायमोनब्ला
गोथार बिबारनि मालाजों
नोंनि गोदोनायाव समायसार होगौमोन।
गोजा सिन्दुरनि आलिजों
नोंनि समायना खाफालाव देलायफबहोगोमोन।
नोगोरमनि बै निजोम ख'थायाव
आंनि बिखायाव नोंखौ बजबना लानाय
बै सिमांफोरखौ आं दाबो मोगथां मोगथां मोनो।
बुरुलुबुथुर नि सेर सेर
आखायजों आखाय हमना सें सें
मिनिस्तु मिनिस्तु रायलाय रायलाय
थाबायनाय बै सिमांफोरखौ
आं दाबो रिनदाव रिनसि मोनो।
नोंनि गोबों खथायाव
गोमोर रोंयै थरसे अलंबार जाना
आं थाहैगौ सानो जुथे नो।
जेराव नों जेब्लाबो आंखौ
गोसोखांयो खोमसि बुब्लियाव।

देबज्योथि बसुमाथारि,
बड'फा मेमरियेल स्कुल
जलायस्वरि, कराझार

बद्रिनाथ धामनि दरजा बन्द खालामनाय हाबाफारिआ दिनैनिफ्राय जागायसिगोन

गपेस्वर, 13 नभेम्बर: भु-बैकुन्ट बद्रिनाथ धामनि दरजा बन्द खालामनाय हाबाफारिआ दिने पन्च पुजाजो लोगोसे जागायबाय। आसार खात्थि बादिदै गिबि सानआव धामआव थानाय गनेश मन्दिरनि दरजाखौ बन्द खालामनाय जागोन। बद्रिनाथ धामनि दरजाखौ फेगौ 17 नभेम्बरखालि हरनि 9:07 रिगायाव गोजां बोथोरनि थाखाय बन्द खालामनाय जागोन। बेजो लोगोसे उत्तरखण्ड हिमालयनि चारधाम दावबायनायाबो बन्द जाथ 'सिगोन। यमुनत्री, गंगात्री आरो केदारनाथ धामनि दरजाखौ सिगाडवो बन्द खालामकांबाय। पन्च पुजानि गेजेरजो दिने फुडव धामआव फुजा खालामनाय जायो। बेनि नैथि सान एबा 14 नभेम्बरआव बद्रिनाथ मन्दिरनि सिगाडव थानाय आदिकेदारस्वर मन्दिर आरो आदि शंकराचार्य मन्दिरनि दरजाखौ बन्द



खालामनाय जागोन। बेजो लोगोसे फेगौ 15 नभेम्बरखालि खडक पुस्तक बन्द जानायजो लोगोसे मन्दिरआव भेद ऋचाफोरनि भाचनआवो बन्द जागोन। बेनि उनाव 16 नभेम्बरआव माता लक्ष्मीनो कड़ाइ भग बाउनाय जागोन। बे सानावो धामनि रावल अमरनाथ नम्बुदरीस्त्री वेश गानहोनानै

माता लक्ष्मीखौ भगवान बदरी भिशालजो लोगोसे गर्भगृहआव जिरायनो थाखाय खावलायनो लक्ष्मी मन्दिरआव थांगोन। बेनि उनाव 17 नभेम्बरखालि माता लक्ष्मीखौ भगवान बदरी भिशालजो लोगोसे गर्भगृहआव जिरायनयजो लोगोसे मन्दिरनि दरजाखौ बन्द खालामनाय जागोन। श्री बद्रिनाथ-केदारनाथ मन्दिर कमिटीनि सिइअ भिजय

प्रसाद थपलियालाआ मन्दिरनि दरजा बन्द खालामनायनि गासे थियारिफोरखौ आबु खालामनाय जाबाय होनानै बुडे। बे समखौ गोसोखांथाव खालामनो थाखाय मन्दिरखौ 10 कुइन्टल फुलफोरजो साजायनाय जागोन। दासिमआव धामआव 13.80 लाखनिबो बांसिन धोरोमारि दावबायारिफोय दर्शन खालामखांबाय होनानै सुलुडव फोरमायनाय जादो।

सुंद'सल'

मिच रहिला मसाहारि

दरसे गामियाव रुदालि आरो रैमालि मुनि सानै बिलोगो दडमोननो। बिसोर सानैजो उन्दैनिफ्रायनो नागरलायफेराभोन। उन्दैनिफ्रायनो एबा गुदि फरायसालियाव फरायनाय समनिफ्रायनो बिसोर फरायनायावबो गात्रि नडमोन, बेखायनो बिसोर बिलोगो सानैखौ फोरोंगिरिफोरबो जोबोर अनसो गारोमोन। उन्दै समनिफ्रायनो, फोरोंगिरिखौ मान होनाय, बिमा-बिफाखौ सिबिनाया बिसोरनि हुदा बायदि मोन। गुदि फरायसालियाव मोजाडैनो उधिनानै, एम.भि फराइसालियाव आगान होबाय रुदालि आरो रैमालिया। बिसोरनि राव-फाव राइज्जलायनाय मिनिनाय बयजोबो मिलायनाय जोबोर समायनामोन। बिसोरनि गोसो, बिसोरनि महर मुधिया एसेबां हायनाद्राय नडमोन। बिलोगो सानैनि गेजेराव रुदालिनि महरखौ हायनासिन नुयो, एमभि फरायसालियाव आगान होनायजो लोगोसे रुदालिहा सासे जिउनि लोगोरि लोगो मोनबाय, रुदालि रैमालिया बा (ड') थाखोआव फरायब्ला रुदालिनि मोजां मोननाय सेंग्राया स्नि (7) थाखोआव फरायोमोन। रुदालिनि मोजां मोननाय सेंग्राणि मुड फुजा बसुमतारि। फुजानि गामिया रुदालिनि दरसे गामि बारब्लानो मोनो। माने, फुजा मोननि गामिया रुदालि मोननि गामिनि सा-सोनाब गोयलैयो। फुजानि न'खरा जोबोर दुखुधिया बेहा उन्दै समावोनो बिमा-बिफा गोमा जानाय सासे मावरिया। बिनि बिदा बिब'फोरा बेखौ बाहागिफोरनि मदतजो फेदेरबाय, फोरोंबाय। मोजां मोनलायनायावबो आगान होनो रोंहांबाय। फुजाया स्नि थाखोआव फरायनाय समावोनो रुदालिखौ मोजां मोन्दो। रुदालिया बे समाव मोजां मोननाय जिरातखौ एसेबां मानि मिथियामोन। फुजायानो रुदालिखौ मोजां मोनो फोरोंबाय, राइज्जलाय दाव, लोगो हमदाव बेरायदाव गासै खौबो रोनो हमबाय रुदालिया फुजानिफ्रायनो। रुदालि, रैमालि आरो फुजा मोन फरायनाय फरायसालिया 5 थाखोनिफ्राय 7 थाखोसिमल'। फुजा आरो रुदालिनि गोथार मोजां मोनलायनाया से बोसोर जाबाय, आनजादाव साथामबो मोजां। फुजाया दाइन थाखोआव मोननाय लोगो लोगो फुजानि जाथि-खुरमाफोरा गाव सिनाव लानानै दोनहैयो, बेयावोनो, फुजा थानाय खाथियाव लानानै दोनहैयो, बेयावोनो फुजा थानाय खाथियावोनो हाइस्कुलबो दंखायोमोन। बे फरायसालियावोनो फुजानि

फोथायनो गोब्राव

एडमिस'नखौ लानाय जायो। फुजा आरो रुदालिनि मेग'नि नोजोरा गोजानब्लाबो-गोसोआ गोजान जायाखै। फरायनायावबो बिसोर गोसो मोदोम होनानै फरायगासिनो दं सिबाय। देरदोखोन- देरदोखोन देरनाइ, दिने फुजा रुदालि आरो रैमालि मोनहा, जोमोन, लायमोन बैसोनि समायना महर बेरखांबाय। फुजा आरो रुदालिनि मोजां मोनलायनायाबो सुमलि थुला उरायनायबायदि उरायनो हमहांबाय, अब्लाबो फुजानि बाय-बाहागि रुदालि मोननि न'खरनिफ्रायबो एसेबां हेंथा गैयामोन। फुजाया मेट्रिक आनजातखौ खेबसेनो पास खालामबाय। मेट्रिक आनजातखौ पास जानाय लोगो लोगो गावसिनि खुरमानाव थाहैलायबाय गुवाहाटी सहराव साखिनि सुबिदा लानो। जेरै ना जानाय एरै मोनबायबो बियो बोसोरनै बोसोर धामनि उनाव रेलवे साखि, खस्थ-मस्थथै। रुदालि रैमालिमोनबो मेट्रिक आनजातखौ उधिनानै कलेज फरायबाय। फुजाया देग्लाय लक्षी फुजायाव गामियाव (न'आव) फेदो, सुटि लानानै। रुदालि मोननावबो बेलासि-बेलासि बेरायनो फेबाय। गावनि आंगो मोजां मोननाय खौथ' बहा बावोनो? फेखा नांखागोन। जायगा-जायगा बिमा लक्षीनि फुजा मेला। मेलाया रुदालि-रैमालि मोननि गामि खाथियावबो जायो। बिसोर साथामजो, मोनाबिलि मोना बिलि बेराय हैबाय। राइज्जलाय होनज्जलाय मिनि-खुसि बेरायनानै बिसोर न'फारसे आगान सुरबो फिनबाय। फुजायाबो रुदालि मोननि आवनो हर थाबाय। रुदालिनि बिमा-बिफा नख'रनि रावबो नेवसिया फुजाखौ, मावरिया खाउरिया गथ' होन्ना जोबोर अनसो गारो। बिनि आखल-आखु, फाव-फेसन जेबो गात्रिखौनो नुखाया। उन्दैनिफ्राय फुजा आरो रुदालिया मोजां मोनलायबोदोब्लाबो गात्रि खामानियाव थांफेराखै। बिसोरनि आखुवा जोबोर धैजमोन। रुदालिनि बिमा-बिफा, -बिदा फंबायफोरनि सिगाडव, फुजाया सासु मासुयै बुंफोरनानै लाबाय, रुदालिखौ फेगौ फाल्गुन दानाव जुलि लाहैनोसै, आंजो लोगोसे लांफानोसै साखियाव होन्ना। रुदालिनि न'खरनि रावबो बे हाबायाव हेंथा गैयामोन। ऐदिन खालि हरावोनो गासैबो खोथाया जारा-फिरा जाखा जोब्याय हराबो थौहाव थारबाय। जाखां-लोखां

जायगानि एडसे लानानै, सानैसो गोखो मानसि लानानै मारुटि कार लाना नागिरदला बायबाय। फुजानि जायगाखौ सफैबायबो। नाथाय बहा मोनो, फुजाया गावनि जायगायाव फेखायाखै। फुजाया गावनि जायगायाव दंफलांबायो मोनब्ला, हौवाया धमखि लांनाय बायदिब्ला फुजानि जिउवा ओइदिन खालि मा जागौमोनथाय? बेस्रा हौवाया हालाखार-बिलाखार सोंला बायबाय फ'ट' आरो एडसखौ देखायनानै नाथाय गैया। खौराड दसेयैनो बिरफुं जोब्याय, खोमायाव हाब जोब्याय रुदालि रैमालि आरो जायगानि गासै मानसिफोरनाव। खौरांखौ खोनानानै बयबो सोमोनांबाय, मानोना फुजा आरो रुदालिनि मोजां मोनलाय नायखौ जायगानि गोबां मानसियानो मिथियै गैया। रुदालियाथ 'खोनानानै गावखौनो बहाद हस गैला बियो। बिखौ आदोर लानांगौवा बिलोगो आरो बिमा बिफानि सायावसै। सिबाय रैमालि आरो रुदालिनि बिमा बिफाया बेसेबां मोखां साइर' जानांबाय, रुदालिनि बेबायदि अबस्थाखौ नुनानै बार सिबलाय-दै दासोमलाय। नंखाय नडमोन रुदालिनि फुजाखौ लानानै सिमां सुजुनाया। उन्दै समनिफ्रायनो मोजां मोनलाय बोदो बिसोर सानैजो अब्ला माबोरै बावगारनो हानो? बेसेबा गोबावजोसो सुधि मोनबाय रुदालिया, अब्लासो नखरनि गासैबो मोखां गेवजोब्याय।अबथिरा बवेनिफ्रायबा साग्लोब फेनाय गोसोम जोमैया दासो सोरां जाफिनबाय। बयबो खुसि जाबाय गावबा गाव गोसो सिडव बिनि उनाव रैमालिया रुदालिखौ गोसोखौ हगार जानो गिनानै लासै लासै गुरैयै जोबोर बुजायबाय, नखरनि बयबो बुजायबाय। जेसेनो बुजायो एसेनो फुजाखौ गोसोखां गोसोखां-राइखां-राइखां, दुखु-नांहाब नांहाव रुखु रुखु गाव सिन्ने हमो रुदालिया। बिनि गावनायाव गावफाया बालानो रावबो एरैनो थानो हायाखिसै। रैमालिया रुदालिखौ फुजाखौ बावगार होनो थाखाय, जाथि खुरमा फोरनाव आलासि जानो लेंलांबाय, एखमब्ला बेरायगलां बेरायगलां खालाम हैबाय टाउन सहर दिने एसे गाबोन एसे रुदालिया फुजाखौ बावगारनो हमबाय। रुदालिया गोसोखौ गोखो लानो रोंबाय। सानसेखालि रुदालिया रैमालिनो फोरमायबाय, लोगो आंनो मोजां मोनलायनाय जिरातखौ जिउआव बज'बना लाला। मोजां मोननाय जिरातआ आंनि थाखाय फोथाय जाथवे बायदि जाबाय लोगो आंनो बे जोनोमाव मोजां मोननाय हौवाखौ नांथारला। मोजां मोनलायनानै नैनाथे थानाय जिरातखौ फोथायनो जोबोर गोब्राव मोनबाय आं लोगो

इरान सरकारआ इजराइलनिखुइ बांसिन गावसोरनि नोगोरारिफोरखौ गियो



जेरुशालेम, 13 नभेम्बर: इजराइलनि गाहाइ मन्थिर् बेन्जामिन नेतन्याहुआ थांनाय मंगलबारखालि इरानीफोरनो होनाय खौराडव बुंदोदि, आयातुल्लाह आली खामेनेइनि सरकारआ इजराइलनिखुइ बांसिन गावसोरनि

बुंदोदि, माउन्ट लेबानन ओन्सोलाव इजराइलनि उरां जाहाजजो गाग्लोबनायफोराव बाडायेवो सा 20 सुबुंफोर थैयो आरो सा 13 जोखोम जायो। बिफाननि बादिब्ला, माउन्ट लेबानननि चौफ जिल्लयाव थानाय जौनआव मोनसे गाग्लोबनायाव सा 12 सुबुंफोरनि जिउ गोमायो आरो सा 8 जोखोम जायो। बालच्चे सहरआव आरोबाव मोनसे बेरफुनाय जाथायाव सा 8 सुबुंफोरा जिउ गोमायो आरो सा 5 सुबुंफोरा जोखोम जायो। लेबाननआव इजराइल आरो लेबानननि इरान जुथाय दोलो हिजबुल्लाहनि गेजेराव दावहा सोलिदोंमोन। बे राफार्से इजराइलनि सात्थिफोरा गाजा पट्टिनि माखासै जायगाफोराव गाग्लोबबावो।

ENGAGEMENT UNDER SAMAGRA SHIKSHA, ASSAM

SSA-15015/73/2024/Esst/1/786820/2024
The Samagra Shiksha, Axom invites online applications from Indian Citizens (as defined in Articles 5 to 8 of the Constitution of India) for the under mentioned positions under Samagra Shiksha Axom on contractual basis. The online applications will be received from 14.11.2024 to 29.11.2024. The posts are temporary in nature and the selected candidates will be initially engaged for a period of 11 (eleven) months only. The contractual engagement will neither be regularized under Samagra Shiksha Axom nor will be absorbed under any job/programme of Government of Assam in future and no person (s) so engaged shall have any right (s) to claim for permanent abortion in any post (s) in the government or in the Samagra Shiksha, Assam. The nos. of posts may be increased or decreased.
Age for categories of post : The candidate should not be less than 18 years of age and not more than 62 years of age as on 01-01-2024. The age limit of the candidates will be calculated on the basis of the Matriculation/HSLC Admit Card or Pass Certificate issued by a recognized Board/ Council and no other document shall be accepted in lieu of the mentioned documents.

Name of the Post	Essential Qualification and Experience	Pay in Pay Band in Rs.	Grade Pay in Rs.	No. of Post	Place
Electronic Data Processor	Graduate with minimum 1 year Diploma in Computer Application / DTP from reputed institutions or Diploma in Computer Application from ITI or 3 years diploma from Polytechnic Applicant should have 1 year work experience.	14000/-	8000/-	06	District Mission Offices

- N.B-**
- The link of the recruitment portal will be available in the Samagra Shiksha website <https://ssa.assam.gov.in>
 - Read the User Guidelines carefully which is available on the recruitment portal on how to submit the online application form.
 - Claims for any correction will not be entertained after submitting the online registration and online application.
 - Before filling the on-line application, applicant has to go through the User Guidelines for online registration and online application.
 - Candidate must upload the supporting document of educational qualification, experience and others through portal.
 - Only eligible candidates will have to appear in test/interview, the exact date of which will be communicated separately.
 - A candidate must be in good mental and bodily health and free from any physical defect likely to interfere with the efficient discharge of his/ her duties.
 - The exact date & time of the Test/ Interview will be communicated to the shortlisted candidates separately.
 - Marking pattern will be on General Awareness, Personality & Aptitude, Subject matter in relevant field, Relevant Experience, etc. for the post. The applicant has to obtain minimum 50% of the total marks on the above in the interview and only then the candidates will be short-listed.
 - The office will not be responsible for any non submission of online application due to any error or other problem.
 - The decision of the Selection Committee in all aspects and all respects pertaining to the application and its acceptance or rejection as the case may be, conduct of test and at all consequent stages concluding in the selection or otherwise of any candidate shall be final in all respects and binding on all concerned. The Mission also reserves its right to alter and modify time and conditions laid down in the notification for conducting the various stages up to selection or withdraw the Notification at any time, duly intimating details thereof to all concerned, as warranted by any unforeseen circumstances arising during the course of this process, or as deemed necessary by the Mission at any stage.

Janasanyog/DF/1382/2414-Nov-24
Sd/-Mission Director, Samagra Shiksha Axom Kahilipara, Guwahati-19

अक्सिगुरिआव बेसेन नाडै मेगन फाहामथाय बादा खुंदों सुबुं सम्पद रैखाथि मावफारिया काजल चौधुरीखौ बरायदों

बभानिपुर, 13 नभेम्बर: इउपिएलनि लाइमोन दालाइनि सालबारि जिल्ला आफादिनि बान्जायनायाव सालबारि टिसिएलसिसिनि मासिगिरि बिनद मुसाहारी आरो समाज सिबियारि काजल चौधुरीनि सुथानायाव मैया सानसेनि हाबाफारिजों बाक्सा जिल्लानि सालबारि महकुमानि सिडव थानाय अक्सिगुरि आइ लाभ इउ बाथायाव बेसेन नाडै मेगन फाहामथाय बादा खुनाय जायो। मख 'नो गोनोदि, बेसेन नाडै मेगन फाहामथाय बादायाव गुवाहाटीनि श्रीमन्त नेट्रालयनि जथाय बिबानगिरि दिपज्यति मेथि, बिथांखि क-अडिनेटर ऋषिकेश कुमार गौतम, देहा फाहामगिरि फारियै निलिमेस शर्मा, कुलदिप कास्यप, मिजानुर रहमान, आमिनुल इस्लाम, साइफुल इस्लाम, अन्सुमन बरुवा, ससुपारभाइजार प्रानजित दास आरो हेफाजाबगिरि कैलाश



रजबंशि मोनहा बाहागो लायो। अक्सिगुरिनि आइ लाभ इउ हाथायाव खुनाय मेगन फाहामथाय बादायाव सा 176 मेगननि बेरामिफोरसो फाहामथाय मोनहा हेफाजाब होयो। होनाय जायो। बे बादायाव फाहामथाय होनाय मेगननि गोत्राब बेरामजों नाखेबजानाय बेरामिफोरखौ उनि समाव गुवाहाटीनि श्रीमन्त शंकरदेव नेत्रालयआव बेसेन लाया लासे

फाहामथाय होनाय जागोन होनानै बादानि बाजायगिरि काजल चौधुरीआ खौरं बिजोनि सिगाडव मिथिहोयो। गुबुन फारिथं, मानस सिडव आरो बियाबनि सिडव आरो सालबारिनि खाथियाव थानाय बरतारि गामिनि थागिरि गागि समाज सिबियारि काजल चौधुरीआ गोलाव समनिफ्रायनो गावनि बान्जायनायाव गुबुन गुबुन जायगायाव बेसेन नाडै मेगन फाहामथाय बादा खुनाय गोबां मेगननि बेरामिफोरसो बेसेन लाया लासे फाहामथाय होनानै सिबिथाय होनायनि थाखाय इउपिएलनि लाइमोन दालाइनि सालबारि जिल्ला आफादिना काजल चौधुरीखौ सुबुं सम्पद रैखाथि मावफारिया महर् फोसावनानै मैया अक्सिगुरिआव खुनाय बेसेन नाडै मेगन फाहामथाय बादायाव मान बिलाइ, आरनाइ, बिहु फालि बायदिजों बयनानै मान बाउवो।

आंनि जीउनि थांखि

आंनि थांखिया दिने मोखथां, आंनि मिजिड दिने थार गुवार फोथारनि अन्यायाव। रंजानाया दिने समायना महर लाबाय। नाथाय आंनि जिउनि थांखिया जाफुंदोब्लाबो- आंनि जिउ थरथिसेआ दिने जाबाय थोरलौ-थोफौ थि जायगा दाबसेयाव गैया आलो जिरायनो। जोनोमखौ जादोंमोन कक्राझाराव नाथाय दा थांगोन आं जायगा सिथाय गैये गुबुन जायगायाव। गोसोआव गोजोन्नाय गैया थांखिया जाफुंदोब्लाबो माबोरै गालानो कक्राझारखौलाय। थांखिआ आंनि हादोर रैखा खालामनाय, जिउ दान होनानै आफा बुरा बाथौनि- दहाय लानानै हादोर रैखा खालामनाय मेगननि मोदेखौ बोहैगलाब होनानै नागारना थानोसै आं कक्राझारखौ। बाय-बाय कक्राझार आं थानोसै।

अरगा बसुमतारी कक्राझार, बि.टि.सि. (आसाम)।

(1 बिलाइनिफ्राय)

गासै मोन 5 बिधान सभा बियाबाव भट

बिसायख थियाव बिजाथि महर् गसन्याय खुंथायारि एनडिए जुथाय हान्जानि बिजाथि निर्मल कुमार ब्रह्मआ फुनि 7 रिगायाव आमगुरि पुलिस थानानि सिडव थानाय 68 नं भवानिपुर एलपि फरायसालियाव नख रजों लोगोसे भट होयो। गुबुन फारिथं, चिदली बिधान सभा बियाबनि बिपिएफ दोलोनि बिजाथि शुद्ध बसुमतारिआ फुनि 7 रिगायाव मानुनगावनि 950 नं सोनाब तुकुबारि एलपि फरायसालियाव गावनि बेसेन गोसा भटखौ होयो। बेरा फारिथं, मोननै जिथायनि उनाव चिदली बिधान सभा बियाबाव बिजाथि महर् गसन्याय माहारियारि कंग्रेस दोलोनि बिजाथि सन्जिव वारीआ आंगो बिसिजों रुनिखाता एलपि फरायसालियाव भट होयो। गुबुन फारिथं, फुनिफ्रायनो गोजोनै भट सोनाय हाबाफारिया जागायजेन्नाय 31 नं चिदली बिधान सभा बियाबनि सिडव थानाय बासुगावनि 669 नं थुरिबारि एलपि फरायसालिनि 190 नं भट सोग्रा मिरुआव इभिएम मेसिनआ गात्रि जायो। जाउनाव नै चन्टा समसिम भट सोनाय हाबाफारिया थाबथानो गोनां जायो। बेखौ लानानै भट सोनो थाखाय गोलाव समनिफ्राय सारियाव थानाय भटार रइजो-रजाफोरनि गेजेरव गोजोन गैये थासारि सोमजिनायखौ नुनो नोनां। उनि समाव चिरं जिल्ला सदर काजलगावनिफ्राय रंग 'सारनि हान्जाय भट सोग्रा मिरुयाव मुजाथिफेनानै गात्रि जानाय इभिएम मेसिनखौ सोलायफेनार्यनि उनाव भट सोनाय हाबाफारिया जागायजेनो। दिने चिदली बिबाबनि सिडव थानाय थुरिबारि एलपि फरायसालिनि इभिएम मेसिननि अनगायैबो तुक्राझारआवबो गने इभिएम मेसिनफोर गात्रि जादोंमोनब्लाबो उनाव बे जेनाया सुवांजायो होनानै चियनि उफ्रा जिल्ला बेंगिरि फिरदुस आलमआ खौरं बिजोनि गेजेरजों मिथिहोयो। मोनाबिलिनि 5 रिगासिम चिदली बिधान सभा बियाबाव गासै 71.50% भट सोनाय जायो। बेजों लोगोसे बडइगाव बिधान सभा बियाबाव 69.08%, धलाइ बिधान सभा बियाबाव 72.40%, बिहालि बिधान सभा बियाबाव गासै 73.70% आरो सामगुरि बिधान सभा बियाबाव 78.10% भट सोनाय जायो। बे बायदिनो रइज्योनि मोनबा बिधान सभा बियाबनि उफ्रा बिसायख थियाव दिने मोनाबिलिनि 5 रिगासिम भट सोनायनि हार जाबाय 72.83%।

(1 बिलाइनिफ्राय)

होखारस्त्रानायनि सोमोन्दै गोजौसिन बिजिरसालिनि..

दिन्थिफुनो थाखाय सप्ताहनै सम मोनगोन। बेनि अनगायैबो गावआरि खोनासनि थाखायबो खाबु होनाय जागोन। बेनि सोमोन्दै गोजौसिन बिजिरसालिया रोखायै मख 'दोदि, जुदि होखास्त्रानो बिथोन होजानाय सुबुड जेबो रोखोमनि हेंथा, अजद होया अब्लासो खुंथाया होखास्त्रानाय हाबाफारि लानो हागोन। होखास्त्रानाय हाबाफारिया जोबनार्यनि उनाव खुंथाया आबु महर् भिडिअ रेकडि खालामनो नांगोन लोगोसे बे रिपटखौ डिजिटेल पर्टलआव आपल 'ड खालामनो नांगोन। जुदि सोरबा सरकारि मावफारिया बिजिरसालिनि बिथोनखौ सिमफायो अब्ला बे बिबानगिरिखौ गावआरि महर् दाय गोनां गनायनाय जागोन आरो लोब्बा गोनां मावफारियानि हेंथायै नेवसिगारनाय होनानै बिजिरसालिया गनायनाय जागोन। होखास्त्रानाय हाबाफारिखौ होखास्त्रानार्यनि नेम-खाथि आरो हाबाफारिनि गेजेरजों खालामनोनां। मख 'नो गोनांदि, गोजौसिन बिजिरसालिया होनाय बे बिथोनमानि थांखिया जादों होखास्त्रानाय समाव थि आरो रोखाथि थांखि आजावनाय, जाहाथे नोगोरनि गुदि मोन्थाया रैखाथियै थायो।

कंग्रेस दैदेनगिरि उत्पल गगैखौ..

उत्पल गगैआ बिहालीनि जिनजियानि सासे लोगो जैनुल हक मुल्लानि न'आव सान्जोफुनि बोथिसे ओंखाम जाफेनो फेदोंमो। बे समावनो बिश्वनाथ पुलिस जिल्ला खुंथाया चराइदेव जिल्ला कंग्रेसनि आफादगिरि उत्पल गगैखौ आयेन गैये महर् हमदों होना अजद ओंखारदों। बेनि उनावनो लकसभानि लेडइ गाहाइ दैदेनगिरि, एमपि गौरभ गगैआ टियाबरनि एमएलए भास्कर बरुवा, दैदेनगिरि डा. आसिफ नाजरजों लोगोसे चराइदेव जिल्ला कंग्रेसनि आफादगिरि उत्पल गगैजों लोगोसे बिहालीनि जिनजिया पुलिस थानायनाय फेयो। बिथोनमोनाह कंग्रेसनि दैदेनगिरि उत्पल गगैखौ मानो हमदों, बेनि सोमोन्दै मिबथिनो हास्थानयानै थाबेनो उदां खालामनो दाबि दैखानानै थाना सिडवनो थायो। फारसेथं, खौरं सुजुनायसिमाव बिश्वनाथ जिल्ला पुलिस खुंथाया चराइदेव जिल्ला कंग्रेसनि आफादगिरि उत्पल गगैखौ उदां खालामाखै। जायनि अनगायै हजजानाय कंग्रेसनि दैदेनगिरि उत्पल गगैखौ जेबो सर्थ गैया जासे उदां खालामनार्यनि दाबिजों पुलिस थानानि लोगोनायाव माखासे कंग्रेसनि मावफारियाफोर हेंथा सोमावसरो। बिसोरो पुलिस थानानि बायजोआव बिजेपि हाय-हाय, बिजेपि ग' बेक, गौरव गगै जिन्दाबाद, रन्जित दत्त मुदाबाद बायदि स्ल 'गानजों हेंथा सोमावसरो। फारसेथं थासारिखौ सरसनसा खालामनो पुलिसआ नाजानायखौ नुबाय थानाय जादों।

तामुलपुराव कलिता आलपाइन जनगष्टिनि बान्जायनायाव लामा..

गोखोडे हेंथा सोमावसारनाय हाबाफारि खुंदों। तामुलपुर पुरान चकनिफ्राय जागायजेन्नाय बे हेंथा सोमावसारनाय लामा हान्जा सुरनायखौ पुलिसआ जागायजेन्नायवोनो होबथादोंमोनब्लाबो पुलिसनि होबथानायखौ फिन तामुलपुरनि रजा-लामायाव माखासे हेंथा सोमावसारगिरिफोर लामा हान्जा सुरनाय हाबाफारि खुडे। सोमावसारगिरिफोर रडिया-भुथान हारिमायारि लामायाव कलिता हारिखौ जनजाति खालालमलनाय, मिसन बसुन्धरा बिथांखियाव कलिता हारिनि सुबुंफोरनि हानि जेना सुसानयनि दाबि दैखाडे। हेंथा सोमावसारगिरिफोर बिजेपि सरकार हाय हाय, इउपिएल सरकार हाय हाय, प्रमद बर' मुदाबाद, हिमन्त बिश्व शर्मा मुदाबाद, जॉनि दाबिया गुबै दाबि, जॉनो एसटि नांगो होनानै बायदि स्ल 'गान होनानै थासारिखौ दुहाव खालामो। दुलाराय आसाम कलिता आलपाइन जनगष्टि सम्मिलननि आफादगिरि डा. रमेन कुमार काकति, आफादाआरि नेहाथारि बिपुल चन्द्र लहकर, फोसावदि नेहाथारि नुपेन बरा, जिल्ला आफादगिरि बिश्वजित डेका, मायवफुं आफादगिरि भुपेन्द्र कलिता, गाहाइ नेहाथारि महन कलिता, बाराग' जिल्ला नेहाथारि धिराज कलिता, कानु कलिता, जिल्ला आफादिनि लोगो नेहाथारि दिन बन्दु कलितामोनजों लोगोसे मोन 11 आन्सलिक आफादिनि बिबानगिरि-सोद्रोमाफोरजों लोगोसे 500 निखुइ बांसिन हेंथा सोमावसारगिरिफोर हेंथा सोमावसारनाय हाबाफारिया बाहागो लादों।

(1 बिलाइनिफ्राय)

आसामनि राइज्यो बेंगिरिआ आइपिएसनि गोदान सोलोसाफोरजों सावरायलायदों

10 आइपिएसनि गोदान सोलोसाफोरजों सावरायलायो। बिथाड गोदान सोलोसाफोरखौ गुबुनफोरनि थाखाय दिन्थि नेरसन जानो खावलायो। राइज्यो बेंगिरि आचार्यआ गोदान सोलोसाफोरखौ बिसोरनि सायाव होनाय गोबां मिजिफोरखौ सिनयानानै बिबानगोनं खामानि मावनो खावलायो। राइज्यो बेंगिरिया बिथामोनखौ गावसोरजों रायज्यायगा गासिबो सुबुंफोरनि फारसे गावसोरनि खामानि आरो गेलेमु गुरे आखुनि थाखाय बाउसोमनो बोसोन होयो। बिथाड बुडोदि गोबानि थाखाय सासे आइपिएस मावख'गिरि जानाया मोनसे सिमां आरो जेब्बा बिसोरो सासे आइपिएल जायो, अब्ला बिसोरो गावसोरनि बिबानफोरखौ गोसो होनानै मावफुंनंगो। राइज्यो बेंगिरिया बेखौबो बुडोदि समाजनि आयेन आरो सामलायथिया पुलिस मावख'गिरिफोरनि सायाव सोनारो, बेनिखायनो बिसोरो गावसोरनि मावनंगो हाबाफोरखौ मावफुंनयाव जोबोद गियान गोनां आरो गोसो होनांगोन। राइज्यो बेंगिरि आचार्यआवो मावख'गिरिफोरनिफ्राय गावनि मिजिथिनायखौ फोरमायो, बिथामोनखौ गोथार गोसोजों खामानि मावनो आरो समाजनि जौगानायब बिहोमा होनो थुलुंगा होयो।

तामुलपुर जिल्ला खुंथाया लामा रैखाथिनि सायाव सांग्रांथियारि हाबाफारि खुंदों

जायो। जिल्ला खुंथायनि बान्जायनायाव खुंनाय बे हाबाफारियाव गुबुन गुबुन फरायसालिनि फरायसा, फोरोंगिरिफोर आखाइ-आखाइ लामा रैखाथिनि बेनार, पस्तर लानानै बयखौबो सांग्रां जानो जोथोन लानो खावलायो। बे हाबाफारियाव तामुलपुर जिल्ला बेंगिरि पंकज चक्रवर्तीजों लोगोसे पुलिस खुंथाय आरो हास्थो मेला बिफाननि माखासे बिबानगिरि आरो मावफारियाफोर हेल्मेट गानानै मटर साइकेल सालायनाय सुबुंफोरनो बारसे गलाप बिबार आरो कलमजों बरायो आरो बयखौबो हेल्मेट गानानैसो मटर साइकेल सालायनार्यनि बिथिडव सांग्रांथि लाबोनो बिसोरखौबो खावलायो।

बिटिआरनि दर 4 जिल्लायाव टेरिट'रियल आर्मिआव साखि थिसन्थायनि थाखाय आगु ...

नभेम्बरनिफ्राय 26 नभेम्बर, 2024 खुंजानो गोनां सिम टेरिट'रियल आर्मिनि साखि थिसन्थाय अन्जादिनि थाखाय बिटिआरनि लाइमोनफोरखौ साखा-फार खालामनार्यनि थांखिजों बे आगु साखि थिसन्थाय फोरोंथाय मावबादाखौ खुंनाय जागोन। सम फारिलाइ बादिथै, कक्राझार जिल्लायाव फेगो 17 नभेम्बरखालि साखि थिसन्थायनि आगु फोरोंथाय मावबादाखौ खुंनाय जागोन। बेबायदिनो कक्राझारनि मोनथाम जायगाफोर फारियै- कक्राझार सरकारि गोजौसिन गेजेर आरो थांखिबो फरायसालिनि गेलेग्रा फोथार, पबतइयारनि मिनि स्टेडियम, गसाइगावनि गोजौसिन गेजेरनि फरायसालिनि गेलेग्रा फोथारव फुबिलि 10:00 रिगानिफ्राय आगु फोरोंथाय मावबादाखौ खुंनाय जागोन। बे एखे सानखालिनो थामहिन्बा 17 नभेम्बरखालिनो चिरं जिल्लानि मोनै थावनि फारियै- बिजनीनि बिडिएएस गेलेग्रा फोथार आरो काजलगावनि स्टेडियमआव आगु फोरोंथाय बादाखौ लानाय जागोन। बाक्सा जिल्लायाव 19 नभेम्बरखालि सालबारिनि स्पटस कमप्लेक्स आरो मुसलपुरनि गोजौसिन गेजेर फरायसालिनि गेलेग्रा फोथारव फुबिलि 10:00 रिगानिफ्राय फोरोंथाय मावबादाखौ खुंनो। बेबायदिनो 18 नभेम्बरखालि तामुलपुर आरो उदालगुरि जिल्लायाव खुंनाय जागोन। तामुलपुरनि गोजौसिन गेजेर फरायसालिनि गेलेग्रा फोथार आरो उदालगुरि जिल्लानि मोनै थावनि फारियै- भेरगाव मिनि स्टेडियम गेलेग्रा फोथार आरो उदालगुरि गोजौसिन गेजेर फरायसालिनि गेलेग्रा फोथारव खुंनाय जागोन। बेनिखायनो बे साखि थिसन्थायनि आगु फोरोंथाय बादायाव बाहागो लाफेनो थाखाय बिटिआरनि गासै लाइमोन सेंग्रा-सिख्लाफोरखौ खावलायहरदों बिटिआरनि गेलेमु आरो लाइमोन अन्साय बिफाननि मावफुं सोद्रोमा दावबायसा बर'आ। बे आगु फोरोंथाय बादायाव 18 निफ्राय 42 बोसोर बेंसोनि सुबुंफोर बाहागो लाफेनो हागोन होनानैबो मावफुं सोद्रोमाया फोरमायदों।

दिसपुरआव साहा हारियारि-आदिबासि ...

आफाद आरो दुलाराय आसाम आदिबासि फरायसा आफादिनि थान्देफोर बाहागो लाफेनाय दिनेनि जथुमाव आदिबासि आरो साहा हारियारि सुबुंफोरनि गुबुन-गुबुन आयदाखौ लानानै सावरायलायनाय जादों। राइज्योनि साहा हारियारि आरो आदिबासि सुबुंफोर गुबुन-गुबुन गोलैसोनाय थाखोनि थाखाय मोन्याय हारियारि फोरमान बिलाइखौ खायसे सुबुंफोर आयेनारि नडे महर् मोन्दों होना अजद ओंखानार्यनि बिथिडव गोखों थांखि आजावनाय जागोन होना मन्थि हाज'रिकाआ रोखा बाथ्रा होयो। बे बिथिडव बिफानारि बिबानगिरिखौ मन्थिआ गोनांथि जानाय रहा लानो बिथोन होदों। आसाम सरकारआ साहा हारियारि आरो आदिबासि सुबुंफोरनि थाखाय फाहामथाय फरायसालिमायाव जर'खा मासि सैरैखाथिनाय आरो सरकारि साखियाव सैरैखाथिनार्यनि रहा लानाय खामानिखौ दिनेनि सावरायलायनायाव गासैबो आफादिनि थान्देफोर बाखायदों। बाराग' मन्थि आरो साहा जनजाति हारियारि सम्मिलनीनि आफादगिरि पृथ्वी माझिआ बे बाथ्राखो बुंदोदि, गुबुन-गुबुन गोलैसोनाय थाखोनि गेजेरवनो साहा हारियारिफोरनि थाखाय सरकारि साखि आरो फाहामथाय फरायसालिमायाव मासि सैरैखाथिनार्यनि रहा लानाय खामानिखौ आसाम सरकारआ गावआरि गोसो जानायजों मावफुंनो, बे बिथिडव जायथि-जाया संबिजिदयारि जेबो बिबान गैयामोन। मेलाव मन्थि हाज'रिकाआ आरोबाव फोरमायदोदि, गिबि मन्थि ड हिमन्त बिश्व शर्माआ साहा हारियारि आरो आदिबासिफोरनि गासै आयदाफोरखौ जोबोद गोथोथै बिजिरासिनो दड आरो नभेम्बर दाननिनो उथि एबा 4थि सप्ताहयाव बिसोरनि गुबुन-गुबुन आयदाफोरखौ सावरायलायनाय आरो गिबि मन्थिआ हारिनि गासिबो आफादिनि थान्देफोरजों लोगो हमलायगोन। बेनि गेजेरवनो समाजआरि बिजिरनाय आरो जौगाखौ बिफाननि मन्थिआ बिफानारि कमिसनारि सेक्रेटारिखौ हारियारि फोरमान बिलाइजों लोगोसे बिफानआ गुबुन-गुबुन मावफुंनयाव थानाय हारिजों लोब्बा थानाय खामानिफोरखौ नेमबादि फारियै खुनो बिथोन होयो। गुबुन फारसे हारिनि बे आफादफोर जेब्बा जायथि जाया हारियारि फोरमान बिलाइनि हेंथायै अजद होयोब्ला बे अजदिनि सायाव बिजिरसालिनि बिथोनमा बायदिथै बाडाय समनि गेजेरवनो नांगो बायदि रहा आजावनो बिथाड बिथोनमा फोसावो।

कलगासियानिफ्राय सा 10 गथ'सा मावफारिया...

हान्थिनार्यखौ नुनो मोन्याय जादों। दिने बरपेय जिल्लानि कलगासिया खाजोनो बेंखननि सिडव थानाय कलगासिया, बामुनतारि आरो टि एनडि सकआव मोनसे हाबाफारि लायो। बरपेय जिल्ला श्रम बिफान, जिल्ला गथ'सा रैखाथि बिबानगिरि, चाइल्ड हेल्प नाइन, आर डि थि एन, बिबिएस आरो कलगासिया पुलिस थानानि हेफाजाबाव बे हाबाफारियाव गासै सा 10 गथ'सा मावफारियाफोरखौ बोखानानै बिफानारि बिबानगिरिनिमिसम दैथाय हरनाय जायो होनानै सुलुड मिथिहोदों।

गाहाम देहानि राहा

उन्दैफोरनो बथलजों गाइखेर दौयोब्ला गोबां खहा जानो हागौ

बोथोर सोलायनाय, आबहावा गेब्रेनाय आरो बायदि गात्रि थासारिआव उन्दैफोरनाव बायदि बेराम सन्देरो हागौ। गोजां बोथोराव उन्दैफोरा लोमजानाय आरो गुजुनाय बायदि बेरामजों बांसिनै मोगा-मोगि जानाडो। गोबाव समनिक्राय बोथोर सोलायनायनि जाउनाव गोबां बोथोराव उन्दैफोरा निमिनिया बायदि बेरामजों नाखेबजानो गिनांगौ जायो। जर'खायै जायफोर उन्दैफोरखौ बथलजों गाइखेल लोंहोयो बिसोरनि जिउआव निमिनिया जानायनि जौखेन्दोआ 10 खेन्दो बांसिन जायो। डाक्टरफोरनि बादिब्ला, बथलजों गाइखेल लोंहोयोब्ला गोबां खेब उन्दुनाय समावबो उन्दैनि खुगायाव बथलआ थाबाय थायो। जाउनाव गाइखेरआ हां लानायजों हां नालायाव जमा जाहैयो। बेबादिनो लासै लासै गाइखेरआ जमा जाहैनायनि जाहोनाव इन्फेक्सन जानो हागौ आरो बेनिक्रायनो निमिनियाआ जाजेनो हागौ। जर'खागिरफोरा सांग्रांथि होनाय बाजिब्ला, बोथोर सोलायनायाव 1-5 बोसोर बैसोनि उन्दाफोरा



डायेरिया निमिनिया आरो लोमजाखानायजों बांसिनै मोगा-मोगि जानाडो। गुजुनाया गोलाव समसिम थायोब्ला उन्दैफोरा बे समाव गोबाव लोमजानायजों मोगा-मोगि जानाडो। जाउनाव उन्दैफोरा बे समाव हांखौ गोखैयै लानांगौ जायो। जुदि थि समाव निमिनियाखौ फाहामथाय होयाब्ला बेयो उन्दैफोरनि देहायाव बांसिनै इन्फेक्सन जायो। जाउनाव बिसोरो हां लानायजों सोमोन्दो गोनां माखासे बेरामफोरजों नाखेबजानो हागौ एवा हां लानाय जेनानि जाउनाव जिउ गोमानांनोबो हागौ। बेबादिनो इन्फेक्सनआ बाडोब्ला उन्दैनि समफल'आवबो इन्फेक्सन जाहैनो हागौ। जाउनाव बे इन्फेक्सनखौ डाक्टरफोरा नलीजों बख'नांगौ जायो। बेबादि थासारिआव उन्दैफोरखौ बेफोर जेनानिक्राय बासायनो

थाखाय गाहायाव होनाय राहाफोरखौ लानांगौ।
(1) उन्दै दोन्नाय खथायाव उखुन्दै खउनाय बेसाद एवा थाम्फे खारहोग्रा आगरबातिफोरखौ सावनो नाड।
(2) हानायमानि बिमानि गाइखेर दौनांगौ आरो उन्दैआ आदार जानो रोडोब्ला मोजां आदार जाहोनांगौ।
(3) गाइखेर जाग्रा गथ'नो गुसु गाइखेरखौ होनो नाड आरो फुडव थाबायहोनो नाड।
(4) गोजांनयनिक्राय रेखाथि होनो गथ'फोरखौ गोरान आरो साखोन-सिखोन गस्ता गानहोनांगौ।
(5) उन्दैफोरखौ समबादिथै टिका थुनांगौ आरो समआवनो निमिनियानि टिकाखौबो डाक्टरफोरनि सुबुरुनजों थुनांगौ।

बाजिगर सावथुनखौ लानानै बिथोनगिरि रजत जेनआ मोजां खौरां होदों



पठान आरो जवान सावथुननि जाफुसारनायनि उनाव कि खाननि आखाइआव माखासे गिदिर प्रजेक्टफोर दंबावो। शाहरुख खानआ आधिखालाव गावनि फैनो गोनां सावथुन किनि शुटिआव नांथाबनानै दड। सिनेमा नायनो मोजां मोनग्रा सुबुंफोरा बिथानि सावथुनफोरखौ गोसो गुरुडै नेनानै थाबाय थायो। शाहरुख खाननि मोनसे ब्लकबास्टर सावथुननि सिक्वेल आपडेटआ सोराडाव फेदों। जर'खा बाथ्राया बेनोदि, बेनि खौरांखौ दिहुनगिरिआ गावनो रोखा खालामदों। शाहरुख

खावन सावथुन बाजिगरनि डायलगाखौथ' नों थांमोनहा गोसोआव दड जानांगौ। बे सावथुनआव फावखुंगुरआ अजय शर्मानि फावखौ दिन्थिदोंमोन आरो बेव बिथाड बुंदोंमोनदि, जेन्नानैबो देरहानो हानायखौ बाजिगर बुडो। बे सावथुननि मेथाइयाबो सुबुंफोरनि खुगायावनो रिखांबाय थायो। अदेबानि आधिखालाव शाहरुख खाननि अन्सायगिरिफोरनि थाखाय बे सावथुननि सिक्वेलजों लोब्बा थायाव मोजां खौराड सोराडाव फेदों। बाजिगर सावथुननि बिथोनगिरि रजत

जेनआ बे बाथ्राखौ रोखा खालामदोंदि, बाजिगरनि सिक्वेल बानायनायनि थियारि सोलिगासिनो। अदेबानि दासिमाव जेबो स्क्रिप्टखौ थियारि खालामनाय जाथ'थाखे। आधिखालाव फावखुंगुरनि सिगाडव बाजिगर 2 सावथुनखौ बानायफिनो सान्नायखौ सावरायनाय जादों। रजत जेनआ बाथ्राखौ आबु खालामनायनि गेजेरजों बुंदोंदि, फेगौ समफोराव सुबुंफोरा बाजिगरनि सिक्वेलखौ थारैनो नुनो मोनमोन। जोंनि टीमआ सल'नि सायाव मोजाडै नो हाबा मावगासिनो दड; जाहाथे बाजिगरनि लेगेंसिखौ फोथानानै लाखिनो हायो। मुंदांखा बिथोनगिरि रजत जेननि फिनजाथयजों मोनसे बाथ्राया रोखा जायोदि, शाहरुख खाननि अनगायै बाजिगरनि सिक्वेल बानायनायखौ माल्बाबो सानो हाया।

कंगुवा सावथुनखौ थाबैनो सिलभार स्क्रीनआव दिन्थिनाय जासिगोन

नभेम्बर दाननि थामथि बयनिखुइबो देरिसिन रिलीज एवा कंगुवा सावथुनखौ थाबैनो सिलभार स्क्रीनआव दिन्थिनाय जासिगोन। सुर्या आरो बवि देअल स्टारनि बे सावथुनखौ लानानै अन्सायगिरिफोरनि गेजेरव जोबोद एक्साइटेड जानानै दड आरो साफ्रोमबो बे सावथुननि रिलीज जानायखौ नेनानै दड। बावैसो सिगां कंगुवानि एडभान्स बुकिंआ जागायबाय आरो बे सावथुननि टिकेटआ गोखैयैनो बायजागासिनो दड। बेनि गेजेरजों कंगुवा सावथुननि अपेनि डे बक्स अफिस कालेक्सननि प्रिडिक्सन रिपर्टआ सोराडाव फेबाय। दिवालीआव रिलीज खालामनाय हिसाबै हरर कमेडि सावथुन भुल भुलैया 3 आरो



अजय देबगाननि एक्सन थ्रिलर सिंघाम एगेनआ अपेनि डेआव बाम्पार कालेक्सन खालामनानै दिन्थिदोंमोन। अदेबानि दा फेस्टिब सिजनआ जोबखांबाय, नाथाय अब्लाबो सुर्यानि फेन्टेसि सावथुन कंगुवाखौ लानानै

अन्सायगिरिफोरनि गेजेराव जोबोद एक्साइटेड जानायखौ नुनो मोन्दों। सुलुनि बादिब्ला, दासिम बिथोनगिरि शिबानि बिथोनआव दिहुनजानाय कंगुवा सावथुननि टिकेटआ दासिमआव 2,33,826 एडभान्स बुकिं

किरण रावनि 'लापता जेडिज' सावथुनआ अस्कारनि थाखाय थियारि जाबाय

किरण रावआ गावनि सावथुनफोरनि गेजेरजों जेब्लाबो समाजयारि खौरां होनो नाजायो। आधिखालाव बिथानि 'लापता लेडिज' सावथुननि खौरांआ गावनि हादतजों लोगोसे गुबुन हादतआवबो थादों। बे सावथुनखौ सेप्टेम्बर दानाव 97थि अस्कार एवार्डसयाव हारिमायारि फिचर फिल्मनि थाखाय दैथाय हरनाय जादों। अदेबानि, दा थांनाय सान मंगलबारनिक्राय किरण राव आरो बिथानि गसिबो टिमआ अस्कार बान्थानि थाखाय सावथुननि प्रमसनखौ जागायबाय। बेनि गेजेरजों, पुपुलार शेफ भिकास खानाआ सावथुननि टिमनि थाखाय गाहाय सेरेमनिखौ खुंफुंदों। 'लापता लेडिज' सावथुननि



कास्टनि थाखाय भिकास खानाआ नियकंआव मोनसे स्पेसेल ग्रिथि सेरेमनि खुंफुडो। खुंफुनायनि सिगांमिबथि होनाय जायोदि, अस्कारनि प्रमसननि थाखाय किरण रावआ सावथुननि मुडव इसे सोलाय सोल' खालामदों। थांनाय सानाव बेनि मोनसे पस्तार

फोसावदों आरो बेव सावथुननि इंग्रजि मुडव सोलायनानै लास्ट लेडिज खालामनाय जादों। पुपुलार शेफ भिकास खानाया इनस्टग्रामाव पस्ट शेयार खालामनानै मिबथि होयोदि, बिथाडा लापता लेडिजनि अस्कार केमेनि इन्फेन्सखौ गावनि बांलायाव खुंफुंदों। परस्टनि

कमेन्टआव बिथाडा लिरोदि, जेब्ला गोसोजों आर'ज गावो, अब्ला मुलुगयाव देहासार जानो हायो। 'किरण रावनि सोमोन्दै भिकास खानाया बुडोदि,

"किरण, नोंथाड सासे सैथो फावगिरि, जाय बेबायदि सावथुन बानायनो हादों।" बुलिउडनि मिस्टर पारफेक्सनिस्ट आमिर खाननि सोमोन्दै शेफआ बुडोदि, आमिर सार, नोंथाड बइयनिखुइबो अनसुला सुबुं।" लापता लेडिज सावथुननि इन्फेक्सनखौ किरण राव होदों आरो आमिर खानआ सावथुनखौ प्रिडिउस खालामदों। सावथुनाव प्रतिभा रान्टा, स्पर्स श्रीभास्ठ आरौ नितान्शि गयलआ लिड रलआव फव खालामदोंमोन। अमृतसखाव जोनोम जानाय भिकास खानाआ आधिखालाव मुंदांखा महरलाबाय। बिथाडा मास्टर शेफ इन्डिया स्व'आव जाजबो जाखंबाय।

ससेल मिडिया इल्फ्लुएन्सार इमशा रहमाननि मुड लान्थियै खौराडव थादों



आधिखालाव पाकिस्ताननि सासे मुंदांखा ससेल मिडिया इनफ्लुएन्सार इमशा रहमाननि मुड लान्थियै खौराडव थादों, जायनि जाहोनखौ मोनसे प्राइभेट एमएमएस भिडिअ होनानै मिथिहोनाय जादों। मख'नो गोनांदि, बे लीक जानाय भिडिअआव नुजाधिनाय आइजोआ रावबो नडा पाकिस्ताननि हाइनारि इमशा रहमानसो। अदेबानि इमशा रहमानआ पाकिस्ताननि थागिबि सुबुं। 22 बोसोर बैसोनि इमशानि जोनोमआ सा पाकिस्ताननि ओन्सोलआव जादोंमोन। गोबाव समनिक्रायनो बिथाडा पाकिस्ताननि मुंदांखा ससेल मिडिया इनफ्लुएन्सार महरै मिथिसारजायोमोन। टिकटक स्टारनि गेजेरजोंबो बिथाड गावनि सिनायथिखौ बानायदोंमोन। ससेल मिडिया प्लेटफर्म इनस्टग्राम आरो टिकटकआव गावनि मोजां कन्टेन्ट होनो हानायनि जाहोनावनो इमशा रहमानखौ अन्सायगिरिफोरा मोजां मोनोमोन। गावनि भिडिअफोराव बिथाड बिउटि प्लास, डेली लाइफ आरो लेटेस्ट फेसनजों सोमोन्दो

बे लीक जानाय भिडिअआ इमशानिनो ना एआइ टेक्नलजीजों बानायनानै सोरबा सुबुडा डिपफेक भिडिअ खालामदों। मिथिहोनाय जायोदि, बावैसो सिगां इमशानि सिगां मुंदांखा पाकिस्ताननि टिकटक स्टार मिनाहिल मालिकनाबो बेबादिनो एमएमएस भिडिअ भाइरेल जादोंमोन। बे लीक प्राइभेटखौ नोजोर होनानै इमशा रहमानआ गावनि फिनजाथय होदों आरो गावनि इनस्टग्राम आरो टिकटक एकाउन्टखौ डिएक्टिभेट खालामबाय। बिथाडा आधिखालाव ससेल मिडियानिक्राय जानामारआव थादों। मिथिहोनाय जादोंदि, बिथानि बे भिडिअआ गोखैयै बाइरेल जागासिनो दड आरो बेयाव इमशानि मु'खौ गोसाहोनाय जादों।


थानाय खौरांफोरखौ होबाय थायोमोन। बेनिखायनो टिकटक आरो इनस्टग्रामआव बिथानि फलवारफोरनि अन्जिमायाबो कौटिसिम थादों। नाथाय आधिखालनि बाइपेल लीक जानाय भिडिअखौ लानानै इमशानि मुडा सावरायजानायनि जाहोन जादों। बे जेना गोनां भिडिअखौ लानानै इमशानि सोमोन्दै गोबां बाथ्राफोर सावरायगासिनो दड। अदेबानि बे बाथ्रानि सायाव दाबो जेबो रोखा जायाखे जे

कार्तिक आर्यननि सावथुन 12थि सानाव मोजां रं आरजिनो हादों



बक्स अफिसआव कार्तिक आर्यननि सावथुननि रं आरजिनाया सानफ्रोमबो गोदान अन्जिमायाव सोलायदों। दिवालीनि फोरबोआव गिदिर पदयाव रिलिज खालाम जानाय बे सावथुन नैथि उइकेन्डनि उनावबो रं आरजिनाय बिथिडव जेबो थियारि जायाखे। भुल भुलैया 3 सावथुन बक्स अफिसआव 11 सानसिमाव मोजां पारफर्म खालामदों आरो भारतआव खमैबो 221 कौटि रं आरजिदों। अदेबानि, दा नोंथांमोनहा हमदांनो हायोदि, सावथुना 12थि सानाव बेसेबां नट साफायदों एवा आरजिदों जानांगौ। बेजों लोगोसेनो कार्तिक आर्यननि मुड बे सावथुननि गेजेरजों आरोबाव मोनसे रेकड बानायनो हादों। बे सावथुना उइकेन्डआव बक्स अफिसआव जांरिमिन सोरजिदों। बे हिसाबे कार्तिक आर्यननि केरियारआव बे बायदिया गिबि खेब जादों। रबिबारनि बादायलायनायाव समबाव सावथुननि कालेक्सन 5 कौटि जादोंब्ला नाथाय बे सावथुना बक्स अफिसआव जेबो गोहोम गोलैयाखे रबिबारनि कालेक्सनआव 13 कौटि कम जादों। लेटेस्ट कालेक्सननि बाथ्रा सावरायोब्ला बे सावथुन गावनि 12थि सानाव भारतआव खमैबो 4.25 कौटि रं आरजिदों। बे हिसाबे डायरेक्टर अनिस बाज्मिनि सावथुना लान्थियै रहित शेडिनि सावथुन सिंघाम अगेनखौ गोखों चेलेन्स होदों।

फावखुंग्रि जुहि चावलाया बिआर चपडानि 'महाभारत' सिरियालआव फाव खालामनो खाबु मोन्दोंमोन



जुहि चावलाया सावथुन मुलुगनि सासे मुंदांखा फावखुंग्रि, बिथाड गावनि रोंगोथि एक्टिं आरो समायना महर मोन्नेजोंबो नायगिरिफोरनि गोसोआव जाया बानायनो हादों। जुहि चावलाआ गावनि केरियारखौ मडेलिंजों जागायजेन्दोंमोन। 1984 माइथायाव बिथाड मिस इन्डियानि टाइटेल्खौ गावनि मुं खालामनो हादोंमोन। टाइटेल् देरहानायनि उनाव 1986 आव बिथानि गावनि डेब्यु सावथुन 'सल्लनत'आव नुनो मोन्दोंमोन। अदेबानि बिथानि सावथुना बिथानि फावखुंग्रि बानायनायाव जर'खा हेफाजाब होनाय जायाखे। जुहि चावलाआ गावनि गोबाव समनि केरियारआव माखासे मोजां सावथुनफोराव खामानि मावनो खाबु

मोन्दोंमोन। फावखुंग्रिया फाव खालामनायफोराव गावनि रोंगोथि एक्टिं दोहौ सोमजि होदोंमोन। बबेखानि फावखुंग्रिआ गावनि सावथुननि दावबायनायाव माखासे सावथुनफोरखौ रिजेक्टबो खालामदोंमोन। जुदि बिथाड बेफोरखौबो साइन खालामो मोनब्ला दिने बिथानि स्टारडमआ मोनसे आलादा थाखोआव जागोमोन। नाथाय बिथाड माखासे जाहोननि थाखाय नेवसिदोंमोन। बि आर चपडानि 'महाभारत' खौ टिभि सिरियालनि मुलुगआव कल्ट क्लासिकनि दरजा होनाय जायो। बे स्व'आन'न' आव गावनि सिनायथि बानायदोंमोन। स्व'नि फावफोरखौ दासिमबो गोसो खानाय जायो। बे बायदिनो मोनसे गोसोआव थाथाव फावखौ जुहिबो अफार खालामदोंमोन। बे फावआनो जादों द्रौपदि एवा रुपागंगुलिनि। बबेखानि, गुफि पेन्टल जाय स्व'आव शकुनि मामानि फावआव नुनो मोन्दोंमोन बै समाव बिथाड स्व'नि कार्स्टिं डायरेक्टखोमोन। बिथाड बे फावनि थाखाय फावखुंग्रिखौ एप्रच खालामदोंमोन आरो बिथानि स्क्रिन टेस्टखौ लानाय जादोंमोन। द्रौपदिनि फावनि थाखाय बि आर चपडआबो बिथानि जोबोद मोजां मोन्दोंमोन। नाथाय जोवथा खेबाव फावखुंग्रिआ स्व'आव खामानि मावनो नेवसिदोंमोन।

के ड्रामानि स्टार सं जे रिमआ जोबथा हां बोबाय

खोला करियानि मुंदांखा फावखुंगुर सं जे रिमआ जोबथा हां बोयो। फावखुंगुरनि जिउ गोमानायजों बिथानि अन्सायगिरिफोरा दुखुनि फाखनआव गोखैदों। सियलनि सियदं पुलिस स्टेसनआ बे खौरांखौ रोखा खालामदों। फावखुंगुरआ 39 बोसोर बैसोनिमोन आरो सियलनि एपार्टमेन्टआव थायोमोन आरो बेनिक्रायनो बिथानि गोथै सहखौ बोखानो हादों। सुलुनि बादिब्ला, सं जे केनि जिउ गोमानाय समखौ थांनाय सप्ताहआव जादों होनानै मिथिनो मोन्नाय जादों। बिथानि जिउ गोमानायनि गुबै जाहोनखौ नायबिजिगासिनो दड। फावखुंगुरनि रुमआव गांनै लाइजाम बिलाइबो मोन्नाय जादों आरो बेनिक्राय माखासे मिथिनो गोनां खौरां मोनगोनखौ आसा कालामदों। सं जे रिमआ गावनि केरियारखौ 2009 माइथायाव जागायदोंमोन। बिथानि गिबि सावथुननि मुड एक्ट्रेसजमोन। अदेबानि बे स्विनिक्राय बिथाड जर'खा सिनायथि मोनो हायाखेमोन। बेनि उनाव बिथाड 2012 माइथायाव ओंखारनाय के ड्रामा दा मुन एन्फ्रेसिं दा सानआव फाव खालामदोंमोन। स्व'आ नायगिरिफोरेनिक्राय गोबां अन्सायनाय मोन्दोंमोन। बे स्व'आ फावखुंगुरखौ जोबोद फेमास जाहोदोंमोन। स्व'आव बिथाड रजानि फोथायजाथाव बडिगाई किम जे वाननि महराव नुजाधिदोंमोन। बे स्विन उनाव इन्डस्ट्रीआव



बिथाड आलादा सिनायथि मोनो हादोंमोन। फावखुंगुरनि जिउ गोमानायजों बिथानि अन्सायगिरिफोरा गोथै दुखु मोन्दों। नाथाय नख'रनि फार्सेनिक्राय आधिखालाव जेबो फिनजाथाया सोराडव फेयारखे। सुलुनि बादिब्ला, बिथानि जोबथा बिदाइखौ नेमबादिथै 14 नभेम्बरखालि होनाय जागोन। फावखुंगुरनि नख'रआ सियल के एउइद एरियाआव थायाय सेन्ट मेरि देहा फाहामसालिनि पिउनारेलआव बावैसो मेम'रिएल स्पेस बानायदों आरो बेयावनो बितानि नख'रनि सोद्रोमाफोरजों लोगोसे नख'रनि आलासि जानाय सोद्रोमाफोरबो बितांखौ बिबार बाउगोन एवा जोबथा बिदाइ होगोन।

